



清平初選後集

卷六

西村張淵懿硯銘選定

箕山田茂遇鬚淵全評

同里董俞蒼水叅閱

中調

臨江仙 第四體

咏春潮

李舒章

一。曲。畫。橋。春。水。急。綠。帆。遠。掛。斜。陽。誰。家。艇。子。近。垂。楊。杏。花。新。雨。  
 後。初。浴。兩。鴛。鴦。暮。暮。朝。朝。來。信。准。教。人。無。奈。橫。塘。新。愁。恰。與。  
 此。平。量。慣。隨。明。月。上。更。弄。柳。絲。長。

硯銘云烟波

渺渺愁余

小春

宋轅文

紅葉落時秋盡也。空山千里雲平。人烟幾點亂天晴。一灣流水。急半壁夕陽明。月滿枯林霜滿地。西風過處無聲。碧雲樓上坐調箏。冰絃嬌火鳳。玉指放春鶯。

寄田鬢淵

魏石生

十五年前初握手。如君便已成名。賦傳金石重孫荆。有花曾對賞無酒不同傾。一自雲廬歸夢切。愁余短鬢蓬生。秋鴻春燕自將迎。九峯深幾許。積雪與溪平。

賦草詞箋留架上。思君有夢徒形。清尊良夜記雲亭。知音人去後。山水共誰聽。杜若春江隨意綠。片雲何日車停。玉河橋下

步伶仃。延津龍可在。斗下劍光熒。

鬢淵云石公酒後好為辛蘇之詞。笥中僅存手錄數

首彙裝一軸。此調記與鉅鹿倡和亦用此韵。今偶失之。當于喬子文衣處索之以彰合璧。

初夏清溪閒泛

曹子顧

十畝之間新霽色。愛看桑者閒閒。扁舟歇處野蒿繁。小橋蝌蚪黑。急水隊魚斑。我羨村家風味美。脩然茅屋二間。柳陰泥濕。麥泥乾。曉鶯新識路。飛去又飛還。

硯銘云。如画。

游女

程奕先

嫩草嬌香風未度。艷聲點破蘋洲。三三兩兩趁春遊。含情搔玉。導沽酒上蘭舟。不語弄花花不語。放花一會凝眸。紺峯還鎖。去年愁。遙憐疎竹裏。有美獨凭樓。



顧四城北新居

王孝峙

獨訪柴門新竹裏。板橋流水斜通。漁舟泊處暮雲空。數家橫浦上。一徑入烟中。叢木暗妨樵路遠。鷺鷥飛破霞紅。輕雷忽過小池東。藕花嬌着雨。菱蔓弱牽風。

春恨

曹子開

一寸離愁無處說。憐他有酒難澆。江南烟水路迢遙。風流存鐵券。消息斷銀簫。漸覺相思成瘦減。柔腸拚過今宵。惟將幽恨問春潮。東流如可斷。便與一齊消。

硯銘云子開名士風流終為情死此詞是其供狀

顧菴歸自楚中至白門訪余不晤奉寄

宋玉叔

憶在勞勞亭上別。吳江三落丹楓。洞庭西望水連空。共誰過赤壁。高唱大江東。淮擬開尊還痛飲。小樓同聽疎鐘。布帆歸去似飛鴻。寄將黃雀鮓。須趁鯉魚風。

春景

陳心微

春到江南芳草綠。垂楊搖曳池塘。畫樓遲日照新粧。半簾花霧濕。十里燕泥香。倚遍闌干人未至。數枝紅杏斜陽。錦帆何日下瀟湘。情隨流水遠。夢逐曉雲長。

硯銘云穩秀

夏景

華龍眉

十里菱荷香暗送。槐陰池館涼生。白團小扇惹風輕。碧紗人靜。悄花氣壓釵橫。又是黃昏新月上。銀箏斜抱閒行。空庭彈出斷腸聲。流螢飛四壁。清漏徹三更。



雨中懷沈雪峯

當○日○夜○遊○涇○上○好○。陸○家○子○弟○笙○簫○。于○今○冷○落○舊○僧○寮○。身○窠○烏○相○樹○。蝸○篆○赤○欄○橋○。料○得○休○文○腰○。倍○減○香○臺○苦○雨○無○聊○。一○甌○茗○粥○。當○松○醪○。新○蒲○窓○外○綠○。讀○罷○楚○臣○騷○。

硯銘云為高人寫照

晚泊采石追憶

錢巖燭

萬○頃○波○濤○看○似○雪○。隔○溪○魚○艇○依○然○。一○鈎○銀○月○澹○雲○天○。人○聲○秋○樹○杪○。蟲○語○落○花○前○。烟○磬○霜○鐘○聲○斷○續○。悲○笳○又○到○君○船○。徘徊○太○白○酒○樓○邊○。愁○如○峯○影○密○。詩○被○晚○涼○牽○。

鬢淵云對景抒情有淋漓之致

廣陵感舊

曹掌公

廿○四○橋○邊○二○月○暮○。春○風○牽○動○牙○樁○。青○蛾○皓○齒○艷○雷○塘○。鬢○留○金○翡翠○。翠○裙○貼○繡○鴛○鴦○。一○自○江○城○烽○火○急○。湘○簾○空○掛○斜○陽○。舊○遊○何○處○覓○紅○粧○。烟○迷○邗○月○冷○。情○繫○柳○絲○長○。

硯銘云深情逸調觸緒紛來

本意

馮訥生

桂○棹○蘭○舟○天○欲○暮○。青○楓○浦○上○堪○愁○。江○妃○漢○女○兩○悠○悠○。水○寒○靈○瑟○杳○。花○老○白○雲○秋○。閒○步○沙○邊○尋○古○跡○。當○年○解○佩○綢○繆○。鮫○綃○素○手○倚○芳○洲○。玉○顏○明○野○照○。霞○影○結○飛○樓○。

硯銘云步虛詞中安得如許工麗語

閒情

宋舜納

九○十○春○光○都○過○了○。輕○寒○偏○上○羅○衣○。茶○蘼○香○盡○雨○霏○霏○。乳○鶯○催○夢○去○。燕○子○送○愁○歸○。聞○道○高○樓○花○月○散○。淒○風○吹○斷○空○堦○。新○傳○紅○豆○兩○相○思○。沈○郎○多○病○後○。細○咏○謝○家○詩○。



春夜

田髯淵

春月光寒風峭峭。隔林花影如迎。蒼苔行處落紅輕。簾櫳渺何許。星斗近三更。睡待不成還獨坐。一天雲歛無聲。紅樓東角盡橋橫。玉鈎風動處。纖指怯銀箏。

步韻酬鄣城公

慷慨人尋燕市上。原非齷齪求名。偶因文字識韓荆。夔桐重拂拭。一見兩心傾。慚愧蹉跎金馬詔。空憐江管花生。山中猿鶴夢頻迎。三千愁裏髮。未肯負生平。

曾記西堂頻載酒。酒間往往忘形。劇酣題壁片雲亭。偶成擊鉢句。說項與人聽。黃石授書前諾在。媧天待補難停。陳情我自

苦伶仃。太平公等事。藜閣有燈熒。

硯銘云傲岸不凡

卽事

張硯銘

風捲亂鴉衝霧去。綺窓人對香篝。篆烟微裊画屏幽。半簾垂曉日。雙笑隔朱樓。惆悵不堪還極目。惜花翻爲花愁。木蘭船下水空流。暗催青鬢老。腸斷白蘋秋。

蝶戀花

一名鳳棲梧

又鵲踏枝

黃金縷

一羅金

髯淵云法穩調高可爲詞式

送春用趙栗夫韻

龔孝升

簾外遊絲飛去了。打疊閒愁。斷送啼鶯曉。一曲畫闌銀月小。玳床人倦殘春杳。生怕金鈴催宿鳥。叫過三更月。與花都少斜倚博山幽。恨悄雙眉做就堆煩惱。

硯銘云天孫七裏不可尋其機杼



風情

曹鑒躬

蹙玉腰纏香細喘。印臂檀雲剛道人前。靦雨後芭蕉紅尚卷。朦朧自結三生繭。染就花冤珠露軟。帳掩燈昏不信郎情淺。春事江南風一剪。能容幾箇閒消遣。

春去

孟子塞

碧草濃烟春日暮。画檻雕船載酒歸南浦。春望不來來又去。多情祇爲情擔誤。輕把流華愁裏度。膩綠嬌紅轉眼皆塵土。花謝一春誰是主。玉關界斷江南路。  
硯銘云子塞桃花人面諸劇膾炙一時風韻故別

落葉

宋轅文

昨夜江南無數樹。帶月兼霜做了。連宵雨。簌簌送他秋夢去。紅樓一枕斜陽暮。不寄天涯腸斷句。高下飄飄自向前。溪舞屋角窓前無定處。西風着力何曾住。

春閨

韓子蘧

繡幕低垂深院靜。帶酒衿花又是前春病。乍暖乍寒渾不定。風風雨雨清明併。女伴相呼穿翠徑。小立窓前好待新粧竟。拭却紅綿重照鏡。傷人也道都相稱。  
硯銘云愛好心  
情一一描出

恒陽署中齋次

王言遠

別館人閒愁眺聽。幾曲門深鎖住西風冷。留得方庭天一頃。斜陽樹樹添鴉影。墻外轆轤聞汲井。乞得新泉夕爨分。薤茗一縷烟生寒色暝。十年舊事心頭省。  
髯淵云清心靜  
氣可滌塵囂



秋暮

曹子顧

一把黃茅新蓋屋。簷角低低。爲避西風。蕭蕭欲向東籬重。繫菊荒園。斫得湘君竹。蟋蟀寒吟聲不足。楓樹垂丹。還有些兒綠。九月霜痕融似玉。空塔迸下紅榴肉。

視銘云胸中  
不着一塵

尋夢

陳原舒

試夾羅衣寒尚悄。紫霧團烟。月在藤花曉。推枕起來還睡倒。欲尋去夢程多少。活水春塘行遍了。山遶斜陽。疎雨深芳草。虛綠搖魂天杳杳。醒來人與春同老。

視銘云奇  
語奇境

金陵用舊韻

鄧孝威

庭樹空花開遍了。唱徹鶯喉。一夜春難曉。繡被牙床香夢小。羽

書邊馬沉沉杳。

擒虎特來驚夢覺。如此銷魂。天上人間少。脂

冷髻低心事情。官家自古多煩惱。

秋夜

梁玉立

御袂涼生衣袂早。雁宿沙洲。處處開紅蓼。月滿關河凋塞草。一聲玉笛。征人老。促織催寒秋思好。剪燭西窗嘆息知。知音少。倚杖登樓。恣遠眺。白雲片片西山小。

視銘云眼  
界空濶

閨意

梁冶湄

密鎖寒雲殘雪了。寄語梅花。且放霜枝曉。畫得翠蛾雙黛小。欄人共閑愁杳。莫向簾櫳驚睡鳥。回憶芳時。辜負春多少。生怕蘭舟離思悄。柳絲牽惹鴛鴦惱。



秋夜

毛叔會

桂魄凄凉寒玉宇。顧影無聊。影也添凄楚。為月不眠情更苦。明宵願下廉纖雨。待欲澆愁斟綠醕。酒盡愁生。必竟愁為主。天上寄愁愁可去。天孫正別銀河渚。

春情

朱錫鬯

露井梨花香覆雪。雪映珠簾。簾浸玲瓏月。乍暖乍寒愁思結。春心輕似東風蝶。何處飛來江上楫。妹是桃根。姊定名桃葉。一片閒情無可說。研羅却羨湘裙褶。

硯銘云輕情本色

春情

吳臥山

窗外流鶯聲悄悄。花落花開。無那春光老。盡日堤邊飛絮繞。和愁較量知多少。苔砌殘英風不掃。嫩綠凝烟。梅豆枝頭早掠。水脚泥輕燕小。天涯到處連芳草。

除夕

計子山

畫閣初回燈路早。絳曲銀床。此夜歡多少。金鴨晚消香霧杳。新裁寶枕芙蓉小。銀箭催人容易老。為語霜華。珍重堦前草。七曲圍屏春夢悄。玉鱗風外吹清曉。

夜泊桐廬鸞鷺閣

葉九來

月小山高三兩客。手弄桃花。各有真顏色。造物能容吾輩僻。江山零落如殘奕。正欲眠時天又白。無數閒鷗。相與期潮汐。共倒接羅看遠碧。春雲遮却春歸迹。

髯淵云眼界高心境曠



憶舊

錢葆勳

露濕芙蓉風乍緊。珍簾涼生。光景重陽近。冷落楸枰閒玉軫。遠屏山色橫金粉。獨倚江樓私自忖。錦字傳來。舊約難憑準。葉輕帆過欲盡。寒烟幾點殘鴉隱。

硯銘云葆勳詞酷似花間澹雅沉秀故其所長

和漱玉詞

王貽上

涼夜沉沉花漏凍。欹枕無眠。漸聽荒鷄動。此際閑愁郎不共。月移窓罅春寒重。憶共錦裯無半縫。郎似桐花。妾似桐花鳳。往事迢迢徒入夢。銀箏斷絕連珠弄。

硯銘云阮亭此詞一出長安稱為王桐花洵可無忝

茉莉

宮宗袞

良嶽當年行樂處。珠蓼冰蕤。移自炎州路。韻比江梅宜帶雨。芬

飄山麝偏迎露。絕愛佳人臨日暮。笑摘芳菲。斜把鸞釵度。繡閣聞香香半吐。餘馨猶挽絲籠護。

硯銘云為花長價

閨情

王子武

滿眼春風三月盡。柳絮模糊。揔是高樓恨。酥雨朝來新綠嫩。海棠洗得胭脂褪。午夢驚回殘雨陣。燕語雕梁。不寄湘江信。一段斜陽簾外影。離魂蕩漾應難認。

髯淵云此等標格絕似臨川

美人紅甲

徐安士

日午紗窓初罷繡。斜托香腮。一捻春葱瘦。銀甲纖纖新染就。畫屏深處拋紅豆。教點風流全勝舊。不許郎看褪。入香羅袖。拘得花枝和笑走。回身更把闌干扣。

硯銘云從指甲描神善能作態



春感

王顯士

一段風情天付與。柳眼梅腮。盡是銷魂處。可惜芳踪難再遇。依稀憶得門前樹。孤館淒涼香篆炷。往事沉沉。消息無憑據。好夢不來來又去。梧桐窗外三更雨。

春恨

陳大匡

些事關心春起早。細語淒清。百舌多般巧。門掩落花香。逕悄凌波點破苔錢小。春遣歸鴻程漸杳。錦字稀傳。畢竟檀郎惱。儂白恨來儂自曉。開籠放了相思鳥。

鬢淵云輕婉有餘味

春繡

消遣春陰無個事。試展輕綃。發付纖纖指。纔唾殘絨呈皓齒。落

花紅。襯眉脂紫。怕繡鴛鴦雙翅。比花樣。描來又是枝連理。抽

引長絲。人倦起。心兒疊在針兒裏。

硯銘云妙緒續紛絲絲不亂

閨思

林季度

人自愁。春春自去。滿地莓苔綠。繡花深處。怨盡啼鳩。鶯共語。不知花落還催雨。幾日簾鉤慵自舉。澀憎羅衣。獨坐添蘭炷。妾意原隨君意取。雙烟一氣重成縷。

硯銘云深細

閨情

王季友

臨水樓臺簾半揭。入暮涼生。殘靄微明滅。細柳藏鴉遮不沒。一時啼上黃昏月。獨倚朱闌人憶別。露重花香。冷透凌波。幾吹罷玉笙珠漏徹。鴛鴦雙夢醒時節。

硯銘云幽折處不落凡想



春思

胡宣彝

嬌鳥啼春春欲暮。獨自凭闌。芳草青無數。淥水平橋楊柳渡。年年寒食相思路。昨夜月明今日雨。可惜東風。吹偏西池樹。浦地桃花留不住。雙飛燕子。啣歸去。

硯銘云周秦佳境

味蝶

馮景修

芳草何心將綠遍。倦倚紗窓。粉蝶飛撩亂。深院重簾渾不見。因風故惹殘紅片。翠館香闈人共羨。兩兩翻飛。花底休迷戀。午夢未醒鶯又囀。無端驚破春陰面。

硯銘云。栩栩欲飛。

題畫

孫執升

溪路風輕鷗睡穩。水浦江天生。出漁舟影蘋散。蓼荒秋不整。綠簑明滅烟光冷。茱閣半開楓隱隱。新月低簾。便覺青山近。莫學陶潛頻夜飲。重陽無雨黃花醒。

鬚淵云我欲卧游其間

新月

田鬚淵

一鉤新月眉兒樣。似轉微輦。却立銀河上。靈鵲未填搖碧浪。鏡奩斜照清波漾。陣陣輕風吹繡帳。何事冰輪不肯全相向。玉杵霜寒愁欲釀。霓裳半招瓊樓傍。

秋日獨坐柬日干

靈鵲橋邊老織女。天上銀河漫說秋。槎渡不是天台當日路。劉郎縱到空擔誤。瓊戶沈沈孤玉兔。鳳隻鸞單歷盡閒朝暮。一曲霓裳空自度。年年常把冰輪護。



春閨

暖入海棠春睡重。何處啼鶯驚起羅衾夢。衾上盤絲雙繡鳳。亂雲徐整嬌紅擁。無那烟銷銀鴨凍。香撲流蘇別是花風動。一晌慵將衣帶弄。薄情人去春宵送。

即事

張硯銘

盤頭鬢髮新編綴。翠簇珠攢壓髻香貂膩。宮樣雲袍長窄地。桃花細馬玲瓏轡。窄窄錦鞵銀鏡墜。面澤唇朱秀色天然麗。不道客懷牽惹易。金魚池上羣遊戲。

味美人蕉

小院晴光浮畫檻。葉葉迎秋次第輕。陰展綠遍瑣窗紅。暈淺芳心一縷金。風剪碧砌曉寒清。露滿移入香閨好。傍釵頭煖繡箔珠簾烟不捲。玉人衣袂雙雙染。  
鬚淵云點染精妍非畫工可到

閨意

檻外東風吹柳絮。燕子飛飛上雕梁。住莫向玉人矜翠羽。宵來雙夢渾無緒。徒倚粧臺俚細語。眼角眉心沒個藏。嬌處儘着纏綿伴不覷。低頭只把沉烟炷。  
蒼水云慧心艷質使我神往

釵頭鳳

一名折紅英 又清商怨

效放翁體

賀黃公

人初暝。風吹省。喚即不覺推郎醒。膏沉炷。天應曙。黃耳將惺綠。鸚私覷。去去去。驚相應。疑還聽。羅衣着罷窺芳徑。來難遇。歸



無。逮。銀。燭。雖。殘。銅。壺。猶。注。住。住。住。

錯認

卓珂月

濃。於。霧。涼。於。雨。春。愁。不。比。郎。相。負。風。何。惡。雲。何。薄。今。朝。相。棄。昔。年。空。約。諾。諾。諾。人。無。緒。書。無。據。驀。然。一。日。簾。前。遇。欣。還。愕。疑。還。度。容。顏。雖。似。丰。神。難。學。錯。錯。錯。

憶舊

施呂授

釵。分。玉。珠。分。斛。芙。蓉。分。蒂。鴛。分。宿。思。前。恨。誰。親。證。照。枕。燈。移。窺。簾。月。進。問。問。問。寒。宵。足。寒。衾。獨。寒。雲。碎。剪。寒。波。淥。期。空。訂。人。還。另。不。準。爐。烟。無。憑。書。信。認。認。認。

硯銘云人俱着意在三疊字此獨于起韻爭勝故佳

敘舊

張硯銘

黃。金。斗。真。珠。酒。年。來。閒。却。傳。杯。手。花。慵。戴。眉。消。黛。何。時。重。整。合。歡。裙。帶。待。待。待。人。歸。後。情。依。舊。莫。將。往。事。多。窮。究。無。聊。賴。休。嗔。怪。向。伊。問。取。研。羅。文。袋。在。在。在。

鬚淵云無補綴之煩有剪裁之巧

唐多令 一名糖多令

初秋

吳茵次

涼。入。葛。衣。鬆。斜。陽。疊。亂。虹。簾。影。外。蟬。語。忽。忽。軋。鵲。排。橋。看。又。過。零。落。盡。藕。花。紅。愁。極。轉。成。慵。黃。花。怕。與。逢。舊。江。山。恨。煞。吳。儂。巷。口。身。衣。城。上。柳。能。幾。日。是。西。風。

春愁

李寅谷

蝶。影。逐。香。忙。春。暉。照。綺。窗。捲。蝦。鬚。拂。面。風。涼。柳。外。黃。鸝。啼。不。住。



應有意惜流光。花鳥自相忘。春愁正渺茫。記當年共泛蘭航。  
天上人間輕邂逅。多少恨付高唐。  
鬢淵云曲  
折深婉

梳頭

張硯銘

日色到重樓。薄花曉露收。潤蘭膏茉莉香浮。簾外悄聲簾內應。  
推說道未梳頭。消息謝家秋。春山對鏡愁。乍相看儘費凝眸。  
紅錦譚鞵雙玉腕。雲半簇恁風流。  
鬢淵云是一幅  
美人曉粧圖

愁

細雨滴重樓。荒烟冷碧溝。任殘紅敗綠飄流。城上烏啼鷄報曉。  
堆積向五更頭。花月暗相鉤。昏朝睡不休。道傷春還似悲秋。  
心裏纔拋眉。又拾無倒斷沒來由。  
鬢淵云李後主剪不  
斷理還亂尚覺粗淺

蘇幕遮

第一體

一名鬢雲鬆

春晚

許子山

翠相高。丹鳳小。春水初生。乳燕依人早。岸落薔薇風悄悄。香剪  
芙蓉。細炷金鴉遶。銀箭長。紅蠟縵。流水落花。雁柱青鶯遶。唱  
斷柳梢殘。月曉牡丹亭外。鷄聲杳。  
硯銘云神  
理幽艷

燈花

徐麗冲

繡簾垂。深院靜。點點寒光。偏照人孤另。密護銀紗吹不定。殘夢  
模糊。微暈雙雙影。翠奩收。蘭燼剩。淡掃蛾眉。不奈粧前鏡。夜  
夜花開猶未暝。嬌魂何處芳心冷。  
鬢淵云霜純霧縠  
極縹緲輕揚之致

錦帳春



畫眉

宋轅文

絲鬢雲新明波秋早。試點出遠山峯小。鏡中人對勘定看餘青。未了不須重掃。卓女遺妝張郎留稿。另染就一家風調粉蛾。輕初月淡問筆尖繚繞帶愁多少。

硯銘云化工之筆

一剪梅

別意

宋轅文

天暮江雲一帶寒。幾陣輕風。無數青山。畫船獨立到更闌。霜滿人間。月滿人間。往日忽忽今日閒。到得將忘。忽又多端。千林烟路不禁看。若要愁還。除是君還。

理繡

曹子顧

劈開五色上。衣裳抽引針長。抽引絲長。養娘新配淺深妝。紅處思量。白處思量。多情已戒繡鴛鴦。蜂又雙雙。蝶又雙雙。誰描花樣使人傷。並蒂蘭房。並葍蓮房。

硯銘云如此剪裁當有針神之目

梨花

宋玉叔

靜女仙姝澹不羣。猜作湘君。喚作文君。軟風嬌面護香溫。朝展眉痕。多帶啼痕。欲謝還開映水紋。開是停雲。謝是行雲。幾枝斜倚綠楊村。鶯也銷魂。燕也銷魂。

鬚淵云梨花一枝春帶雨可方幽艷

旅夜

曹彥博

城上鴉啼咽曉風。過了昏鐘。又度晨鐘。紗窗花氣半朦朧。星影連空。月影橫空。一夜相思有萬重。聽盡飛鴻。多是孤鴻。夢魂



常遶楚雲峯。綺樹春紅。錦樹秋風。

和漱玉詞

彭駿孫

萬疊青山一抹秋。天半歸雲。天外歸舟。何時玉席手重携。同拂香巾。同上朱樓。南浦寒潮帶雨流。只送人行。不管人愁。吳天極目路逶迤。海湧峯頭。薛濺潮頭。

咏隔牆梅

張淇園

梅信江南處處幽。策蹇誰遊。踏雪誰遊。憑高懷想昔風流。何遜揚州。和靖杭州。明月桐村幾樹稠。香滿枝頭。影過牆頭。如何咫尺隔羅浮。花令人愁。人令花愁。

相思

徐麗冲

金井風高落葉深。月照離魂。烟照離魂。燈花明滅五更沈。獨擁寒衾。誰擁寒衾。夢斷香宵碧玉簪。欲寄同心。難寄同心。秋聲淒切。最關情。昨夜孤砧。今夜孤砧。

閒情

田髯淵

曾記停橈江水濱。柳眼微顰。杏頰微醺。等閒何事可憐人。脂粉重勻。襟袖重新。鸞影分離兩地身。草色如茵。月色如銀。別是相思一種春來也。經辰去也。經旬。

閨思

張硯銘

曲水平橋蘸綠楊。旭日朝陽。落日斜陽。夜寒清影入迴廊。新月西窗。殘月東窗。暗數離愁事事荒。香冷蘭房。露冷蓮房。一年



一度費思量。春燕歸梁。秋燕辭梁。

還方怨

閨情

葉星期

妝未了。日初生。菱花眉暈小。蘭葉鬢雲橫。簾通烟篆。曉痕平。寶釵斜墜。膩無聲。春漸老。帶圍輕。簷鵲頻偷報。應知鬪草。贏書長無事。理銀箏。困人踈雨。在長亭。

鬚淵云淡處着神

漁家傲

江上阻風

吳睿公

雲澹江空寒日暮。潮頭噉盡沙堤樹。一霎峭風遮曉渡。翹首去。背人屬玉先飛去。小艇沈沈迷白霧。半拖烟水欹窗戶。儂欲

訴愁愁怎訴。閒凝佇。杏花影裏春山路。

新愁

韓友一

花落不堪芳草路。杜鵑長聽聲如訴。獨上畫樓無意緒。人何處。年年春向梢頭去。烟外綠楊悲日暮。白雲天半愁無數。清夢悠悠迴雁路。憑君住。小園一夜梨花雨。

本意和漱玉詞

王貽上

南湖西塞花如霧。我歌銅斗樵青舞。醉後放舟忘處所。鳧鷖語。覺來已是烟深處。蒲葉藕花相映暮。援琴更鼓瀟湘句。曲罷月明風葉舉。誰同住。琴高約我蓬瀛去。

硯銘云烟波釣徒其樂何極

東昌道上舟行

張硯銘



野草萋萋深百尺。遠山一抹晴雲積。午睡覺來愁似織。孤帆直。游絲繞夢飛無力。古渡人家烟水隔。鄉心撩亂垂楊陌。鴻雁自南人自北。風蕭瑟。荻花滿地秋江白。

鬢淵云情思宕往

定風波

納涼

尤展成

不着衣衫不掃妝。薰風寂寂怯斜陽。安得芳姿乞作婢。喚至手。將團扇扇王郎。却羨摩訶池上路。行去花梢淺吸露珠涼。携手歸來羅篔簹。睡枕臂玉魚吐出口脂香。

硯銘云人間天上銷魂處是此境界

閨意

高二鮑

冷月當空浸碧紗。中庭踈影一簾花。杜宇聲聲人寂寞。風惡澄澄銀漢迥。然斜。舊日鸞蕭懸粉壁。塵積盈盈不語暗傷嗟。玉漏淒清砧遠近。燈暈誰家深院理琵琶。

蘇幕遮 第二體

湖舫送春

龔孝升

粉香城。歌舞地。明月今宵。偏照雙峯翠。一夜碧蟾涼似水。為送春歸。特到紅窗外。五更愁。千疊思。對月端詳。不許垂楊睡。珠箔檀肩長共倚。斷鼓零蕭。迸入留春淚。

硯銘云繁絃惡管嗚咽成聲

春曉

李舒章

花影深。簾額重。斗帳微寒。一枕香雲擁。何事起來常惜忪。繡被紅翻顛倒。思前夢。畫樓高。香幕迥。千萬垂楊。又被東風送。門



外鶯啼芳草動。獨自開奩。檢點釵頭鳳。

咏枕

宋轅文

遠山邊。秋水側。玉腕多情。傳出春消息。漸漸看來雙影逼。無計支持。借盡香雲力。也曾經。紅淚濕。伴着愁人。對面捱時刻。幾度拋他。拋不得。夜夜安眠。今夜偏欹仄。

前題

陳其年

月華清。花露香。一角紅綿。裝疊風情好。慣是得人憐惜早。紅袖支持。縷縷香雲裊。鳳釵輕。蟬鬢悄。付與啼痕。此際情多少。翠帳淒清。天欲曉。夜夜溫存。消受愁人抱。

春閨

成容若

枕函香。花徑漏。依約相逢。絮語黃昏後。時節薄。寒人病。酒剗地。梨花徹。夜東風瘦。掩銀屏。垂翠袖。何處吹簫。脉脉情微逗。腸斷月明。紅苧惹。月似當時。人似當時否。

同香巖曉發平原

魏卜臣

隴頭雲。坡上雪。風掃枯楊。滿地堆黃葉。共對孤燈宵漏咽。一枕寒鷄叫斷。荒村月。旅魂消。鄉思折。夢杳家山。塞草連天濶。野燒熒熒。光未滅。緩控金羈。前路霜蹄滑。

婁江寄家信

彭駿孫

柳花風。榆莢雨。試問春光。去也何匆遽。紅淚飄零千萬樹。縱有黃鶯啼到。無聲處。旅顏殘。歸計誤。日日尋思。臨別叮嚀語。欲



清平詞選 卷六 情文鱗傳尺素。婁水無情不肯西流去。

鬲淵云思深語透卓越今古

桃葉渡用舊韻

鄧孝威

小姑居江總宅。畫槩蘭橈。有個人香翠。小膽柔腸輕渡水。故故銷魂。郎語烟波外。想風流添遠思。幾處兒家穩看鸚哥睡。休把雕闌終日倚。一派秦淮半是南朝淚。

寒食

錢右尊

杏花天。梅子雨。雞黍年年。花點孤山墓。不信杜鵑腸斷處。青草寒烟。還有人來去。春腰尾人朝暮。絡索簾垂。睡到高樓午。欲放海棠春不許。小小紅妝。那禁蒙頭霧。

鬲淵云雋絕

別趙友沂

田鬲淵

北來鴻。南去燕。兩兩分飛。羈旅年時見。更對風前花片片。東墜西飄。同占天涯半。短長亭。歌舞院。一曲驪駒。回首春光換。苦憶華堂烟月遠。夢破荒雞。身在琴尊畔。

送季天中出關

田鬲淵

紫塵關。白月寨。未到高秋。衰草連天敗。一曲琵琶弹出塞。絃短絃長。調變宮商改。武甯歸陵。可在青史從今別。表男兒概立。馬斜陽。尊酒外。幾句叮嚀。慢把金鷄待。

硯銘云鬲淵于朋友之誼深矣

閨怨

張硯銘

繡幃深。香閣悄。花落空庭。堆積春多少。無那東風閒不了。扶起殘紅。故惹遊絲繞。雁魚沈。音信杳。睡思慵騰。直是迷昏曉。無



那流鶯忙。不了啼。雨啼晴。鎮把愁腸攪。

鬢淵云。煩煩惱惱。總無是處。逼真情景。

似娘兒

舟過婁門卽事

陳其年

渡口綠簑斜。繞子城碧浪周遮。誰知我是玄真子。賣餠天氣。憑  
橈心事。蕩槳生涯。水面小窓紗。響棖棖。誰摘琵琶。東風似夢  
回頭望。絕無人影。粉牆之內。一樹桃花。

醉春風

一名怨東風

春思

吳駿公

眼底桃花媚。羅襪勾人處。四肢紅玉軟無言。醉醉醉。小閣迴廊。  
玉壺茶煖。水沉香細。重整蘭膏膩。偷解羅襦繫。知心侍女下。

簾鈎睡。睡。睡。皓腕頻移。雲鬟低擁。羞眸斜睇。

硯銘云。不  
禁可憐

閨怨

張硯銘

花。妮。風。偷。鬧。夢。借。鶯。催。覺。鬢。髮。斜。躡。鏡。池。深。照。照。照。眉。前。眼。底。  
心緒愁牽。被伊知道。書斷鴛鴦。耗絃撒。鸞凰調。倚闌無語細  
尋思。笑。笑。笑。幾回歡夢。數縷盟香。一番空懊。

風中柳

離別

彭駿孫

槐樹陰濃。小院晚涼時節。別離可奈腸如結。歌喉輕轉。聽唱陽  
關徹。情脉脉。幾回嗚咽。細語叮嚀。道且自消停。這歇燈火高  
城。更未絕。殘妝重整。送向門前別。拚今宵。爲伊啼血。  
道字



本意

董楚望

綠水輕颺。吹透黃金千縷。怯微寒、依依南浦。殘烟幕歷。玉笛和鶯語。傍妝樓、纖腰低舞。長是消魂情。盡橋邊人去。繫蘭舟暗添紅雨。三眠乍起。見栖鴉無數。慣飄搖。露堤霜渚。鬢淵云似張緒當年

錦纏道

書所見索張弓民畫

宗定九

一徑濃陰。遙望渚田百畝。又驀見採桑少婦。軟風著意。欹楊柳。雨雨晴晴。能畫斜陽否。過流水橋西。一灣魚留。鼓吹聲池蛙。雙部草堂前。鶴髮山翁。把圍碁對奕。童子閒扇酒。扇平聲

重陽

曹子顧

疎柳催黃。巖桂香流。晴晝晚禾。酣稻畦如繡。浮萍吹斷。漣漪皺。雪藕花殘。秋架垂紅豆。時節重登高。青山依舊。去年人漸成白首。問西風直恁。慙慙向東籬。深處剪破黃花口。硯銘云一幅登高圖

行香子

構屋水濱喜而賦此

曹子顧

小小疎椽。碧水經前。每臨溪匹練紅牽。蒹葭十畝。儘受荒烟。有采菱橈。沽酒渡。釣魚船。野漲無邊。樹影森然。數游鱗傍岸流連。更誰貌得。晉唐宋間。請顧長康。吳道子。李龍眠。

溪上卽事

錢巖燭

桃浪溶溶。絲臬晴空。盟鷗處獨自携筇。春衣催浣。試付奚童。見



苔痕染酒痕。漬墨痕濃。水流雲去。相看無窮。愛吾廬近隔谿。東晚厨烟翠。歸步從容。有柴桑柳。輞川杏。灑西風。

離情

丁飛濤

纔住香車。忽過平沙。片時間人遠天涯。今宵好夢。何處尋他。但一更鐘。三更雨。五更鴉。愁對飛花。怕見殘霞。別離情付與琵琶。斷魂江上。吹落誰家。正夢兒來。燈兒暈。枕兒斜。

題趙雙白西麓移家圖

周水持

數畝荒畚。蕙圃蘭區。喜衙門僻似精廬。案頭菜譜。架上農書。更犢生孫。魚爲婢。木呼奴。點點烟螺。霧掠雲拖。採香蘋雨響輕。蕢編茅結。屋灌水成渠。喚子敲針。童撈蜺。自提壺。

硯銘云。寫照高隱。

閑居

張硯銘

水遶平沙。綠柳藏鴉。近西村負郭人家。柴門晝掩。底作生涯。種一池魚。三畝竹。半園瓜。秋林穿月。春徑堆花。與鄰翁閑課桑麻。兒童慣熟。客至無譁。煮海州香。若溪酒。洞山茶。

解佩令 第二體

秋夜聞蟋蟀

倪廷伯

更移銀漏。月懸玉杵。一聲聲霜前私語。說甚來由。剛驚斷天涯。幽夢又催成。閨中愁緒。情深如訴。恨長難敘。費清吟。夜涼庭宇。汝自悲秋。偏向着小窓。縷縷最堪憐。暗風疎雨。

硯銘云。使我淒然。

漁家

張硯銘



清平初選後集 卷六  
天邊風寂溪邊月白晚潮過岸痕拖碧有個漁舟舟尾掛紅燈  
一隻瓦盆中濁醪鮮鯽醉眠殊適高歌也得問生涯綸竿三  
尺浩蕩江湖名不註農桑圖籍怎知他縣門南北

錦纏道

做秦七體

張硯銘

當。面。相。思。豈。為。傷。離。惜。別。那。其。間。百。般。周。折。啞。兒。口。咀。黃。連。末。  
苦。入。心。頭。教。我。如。何。說。是。前。生。造。成。這。椿。冤。業。不。分。明。皮。燈。  
漆。抹。壞。疆。蠶。枉。費。尋。絲。指。青。梅。難。採。只。着。人。津。咽。  
鬚淵云俚得妙

六卷終

清平初選後集

卷七

西村張淵懿硯銘選定  
簣山田茂遇鬚淵全評  
陽羨陳維崧其年叅閱

中調二

青玉案

虎丘踏月用賀方回春暮韻

龔孝升

金閭箇是迷香路。又月底移船去。風定石坪笙管度。吳王虹劍  
貞。孃。珠。粉。兒。女。英。雄。處。草。痕。短。簿。荒。祠。暮。入。望。寒。山。夜。鐘。句。  
自負多情天亦許。要離年。逞館娃人去。一陣催花雨。  
硯銘云配合奇



春雨閨思

朱尚木

水晶簾動雲屏展。奈庭際紅深淺。九十韶光風雨算。尋香池館。踏青巷陌。不許人相見。安排腸斷迴嬌盼。歷鞦枝頭春意亂。應是惜春增繾綣。深深蜂蝶。雙雙鶯燕。辜負凭闌遍。

前題

宋轅文

金塘雨漲輕烟滑。正柳陌東風活。閒却吳綾雙繡襪。滿園芳草。一天花蝶。可奈人消渴。暗彈珠淚蜂黃脫。兩點春山青一抹。好夢偏教鶯語奪。落紅庭院。夜香簾幕。半枕紗窗月。

和韻

賀黃公

芳郊雨霽香輪繞。花深處爭先到。一簇羅衫紅嫋嫋。画扇俄藏。金壘頻舉半。聊聞歡笑。瓊瑜掩過存芳草。斜日催歸喧宿鳥。人遠漫憐踪跡杳。幾徑蒼苔數層紅。雨印出凌波小。

楊花

曹天琪

輕盈飄泊橫塘路。正腸斷天涯暮。滿眼模糊斜日煦。花樓簾幕。曲闌朱戶。團做相思句。悠揚點染衡臯步。野性無拘騰古渡。多少閒愁誰與訴。似來還去。乍迎如避。燕啄隨紅雨。

視銘云  
倩極

九日

彭駿孫

寒烟衰柳西陵路。是一幅悲秋賦。凝望衡臯天欲暮。蕭風唵葉。濕雲黏樹。不見登高處。東籬把酒黃花吐。應插遍茱萸無數。美景良辰誰與度。露蛩聲咽。霜砧響斷。枕上瀟瀟雨。



閨情

張止鹽

柳綿無數隨風落。正天暖開粧閣。撩亂枝頭團瓦雀。啾啾細語。乍驚還聚。撲向晴空啄。小鬟拂鏡妝依約。旖旎心情無處着。自笑春歸歸未確。重門深閉。曲闌低護。一朵花如昨。

鬚淵云  
工而細

東張硯銘

周宿來

一天梅子黃時雨。縱亭午昏如暮。絳萼依然惟石醋。水平花樹。幾番蛙部。似為公私訴。張融正好牽舟在。酒債多來少家具。銀鹿泥中愁不遇。新詞填就。欲翻佳句。定覓紅紅去。

春情

田髯淵

粧臺忽對菱花鏡。將往事從頭省。倚遍闌干誰與並。鑪烟獸煖。燈光蠟凝。轉怕鴛衾冷。雕梁燕子雙棲穩。無語還將雲鬢整。欲捲珠簾風不定。半江綠皺。一庭紅影。醞釀春來病。

閒憶

芳心不隔迷花路。見燕子穿簾過。錦字情深曾幾句。杏花紅雨。牡丹紅霧。已自成春暮。晴絲百丈人何處。睡起驚看小窗午。此際嬌慵餘幾許。阮郎情緒。謝娘眉嫵。舊日燈前語。

硯銘云  
風致幽

淡絕無雕琢而  
已極纏綿之意

送春

張硯銘

東風識得春來路。便只合畱春住。二十四番誰是主。染紅搓碧。牽條拂縷。忍放春歸去。鶯鶯燕燕穿香度。花花草草尋芳處。



可惜韶光等閒悞。画橋烟暝珠簾日暮。捲起濛濛絮。

鬢淵云送春詞

爭新出奇纖佻太露苦無餘韻如此澹雅含蓄方是當行本色

看花回

本意

張硯銘

金谷來看爛熳春。香霧氤氳。一年一度芳菲節。任韶華催趙遊人。紅顏誰是主。錯問東君。舊日桃源何處尋。隔斷漁津等閒花裏。忙歸去。至今追憶無因。殘英吹滿袖。莫放金樽。

鬢淵云風格在

周秦之間

三奠子

偶憶

鄒訐士

憶玉蘭花下初見芳蹤。眉欲語。意纔通。衣香清更馥。膚彩瘦。偏豐人悄悄。雨濛濛。正相逢。熒熒面的窈窕。跌弓蛾黛。蹙臉朱融。柔鄉多懊惱。佳會易怔忡。長記取。裙上淚。石榴紅。

兩同心

平仄二體

鴛鴦

宗定九

兩兩珍禽翠衿紅。羽春。雨浴影狎芳塘。暖莎眠頸交南浦。又看看踏浪齊飛。相呼迴舞。賺得採蓮遊女。柔腸萬縷。白玉臺溫鏡遲歸。青螺黛。張眉未。媮空擎着。並蒂紅蓮。歸來無語。

秋閨

林平子

海燕東歸塞雁南飛。悶懨懨春心未了。人寂寂秋病來時。難消



清平詞 卷七  
遣聊卜燈花。暗數佳期。西風瘦損芳肌。此恨誰知。可憐宵一  
簾明月。無憑夢半枕。情痴斷腸也。薄倖天涯。曾否相思。

天仙子 第二體

春月

宋轅文

幾點疎星愁裏聽。水晶簾外懸明鏡。清光漸漸下花梢。人聲靜。  
空堦冷。紅燭烟銷春睡醒。惻惻東風吹不定。寂寂一鈎羅襪  
影。半庭幽露送斜輝。青林暝。心頭省。今夜爲誰欹玉枕。

春夜

香散雲屏遲玉漏。剪剪霜風搖翠袖。春星斜挂杏花梢。紗窗口。  
金釵溜。清露幽輝人影瘦。歸向銀床鬆寶扣。羅帳薄。垂紅燭。

透誤人偏是好思量。心頭有。眉頭皺。腸斷五更風雨後。

元旦

計子山

昨夜玉鱗飄露井。桂火通宵香未醒。東風小院雪初飛。花氣靜。  
紅綿冷。浙浙朱闌臨鏡聽。膩燭初黃人耿耿。雲母屏前撩鬢  
影。宜春繡字點釵頭。燒金鼎。傷華景。去年此日還重省。

閨情

張硯銘

楊柳絲絲垂淺渚。拂檻臨窗搖翠縷。玉人妝罷悄無言。凝情處。  
牽愁緒。百舌聲中寒食雨。魚雁不來春欲去。早見佳期今又  
悞。手按裙帶昵屏山。秦川渡。瀟湘路。腸斷斜陽芳草暮。

兩同心



花燭詞

錢葆飭

賦梅題杏早擅才情暮雨峽真逢神女玄霜驛那羨雲英催妝處月照蝦簾花壓螺屏况有丸髻挑燈義甲搗箏七十二鴛鴦沙暖一百五楊柳煙輕深深院有箇人人頻喚卿卿

殢人嬌

夜別

張硯銘

露冷花寒竟是別離情緒知道有今宵此處今朝夢裏又何須畱住生驀地伴了猛風飛絮月轉輕紗煙銷古樹爭忍得金鞭付與拚伊便捨再將伊偷覷除則是影替人兒先去

小桃紅

題朱卓翁亭子

宗定九

不必山間去不必溪邊住小小茅亭些些黃石偏多幽趣將八窗四面盡推開看瀟湘竹樹名也何須慕利也何須驚客自煎茶主還斟酒忘形道故細思量添一箇蒲團與先生對悟

硯銘云乾坤一草亭氣概爾許軒豁

江城子

第二體

一名江神子

秋思

李舒章

一篙秋水淡芙蓉晚來風玳雲重檢點幽花斜綴小窗紅羅襪生寒香細細憐素影近梧桐棲鴉零亂夕陽中歎芳叢訴鳴蛩半捲鸞箋心事上眉峯玉露金波無意冷愁滅燭聽歸鴻



書屋新成

梁玉立

蕉林新館舊槐風。日初紅。上簾櫳。斐几藜牀，窈窕綠窗中。曲曲  
闌干花徑小。誰是主。有盧鴻。樓頭虛敞月溶溶。淡煙籠。遠山  
峯。客至開樽。隨分兩三鍾。恩賜閒居容嬾漫。身外事。任天公。

病起春盡

宋轅文

珍珠簾透玉梨風。暮烟濃。錦屏空。胭脂萬點。搖漾綠波中。病起  
看春春已盡。芳草路。碧苔封。漫尋幽徑到吳宮。樹青蔥。石玲  
瓏。朱顏無數。不與舊時同。料得夜來腸斷也。三尺雨。五更鐘。

寒食渡江

錢葆芬

佛狸祠下草如茵。水粼粼。送歸人。御柳宮烟。終遜故園春。纔見

南徐山幾疊。早忘却倦遊身。

單衣拂拭舊緇塵。趁芳晨。賣餠

新繫纜沙頭。燒笋鱸銀鱗。同是去年為客路。眉不似去時顰。

鬢淵云。純鮫湘瑟。一集敲金。曼玉選不勝收。偶拈百中一二。已見匠心。獨擅備詣。花草衆家之妙。

詠柳

董蒼水

誰將羌管奏離筵。画橋邊。酒旗前。細剪春風。鶯語自年年。最是  
青青愁不了。常泣露。更啼烟。隨堤殘月影翩遷。吐香綿。暮春  
天。飛入玉樓長伴玉人眠。不信柔腰剛一捻。能禁得許多憐。

春思

尤展成

花朝去了又春分。草如茵。柳烟新。油壁青驄。爭踏武陵春。繡幙  
羅衣香過處。人不見。插紅裙。紗窗寒雨最難聞。冷爐薰。淡芳



樽閒病閒愁獨對舊東君。日暮捲簾南北望。竟欲化楚山雲。

春思

田髯淵

濕衣紅露晚晴天。思華年。恨綿綿。欲寄芳心。宛轉到花間。過眼  
遊絲忙底事。春去了。許誰憐。柳陰凝碧鳥啼烟。繞晴川。鎖眉  
尖。盼到月溪深處。有歸船。說向相思無限苦。醒是夢。淚如泉。

西村晚步

張硯銘

綠陰圍合小池東。柳濛濛。颺輕風。燕尾澁澁。剪破夕陽。紅繡陌  
秧針初出水。欹笠下有村翁。波流活活晚潮通。碧溶溶。一舟  
橫樹杪。烟青古寺落疎鐘。獨木板橋斜角路。歸去也。月當胸。

髯淵云心境融澈  
想見羲皇上人

千秋歲

春愁

錢子璧

鶯聲初弄小閣東風送。纔憶起。春山重。蘭皋畱玉珮。桑陌停絲  
鞚。憐去路香泥應染鞋頭鳳。嬾把金卮捧。且着晶簾擁。無限  
恨。千秋共幽篁。帝子淚。青草明妃塚。同寂寂。昔時紅粉。今時夢。

夜坐竹間偶作

陳賡明

竹林微步碎影搖清露。衣蘸處。螢低度。月如簾內看星似。枰間  
布。殘醉後。此君邀我成良晤。欲寫鵝溪素。因想梁園兔。瀟灑  
處。和烟霧。彈蕉應有疏。倚柱能無賦。清節在。算來只被王戎誤。

蘇堤晚眺

曹掌公



長堤遠眺樓閣空中小飛絮亂游絲裊六橋春水縹三竺清烟  
抱閒徙倚深林何處啼黃鳥數里香塵杳画舫開多少花月  
下笙歌繞金鈿迴繡陌玉勒嘶芳草人去後這回共道風光好

壽王農山先生

李寅谷

畫堂長晝瑞靄秋林透丹葉麗黃花瘦新歌傳翠管妙舞翻羅  
袖誰不羨耆英綠野人衣繡莫漫尋勾漏門第三槐舊荀里  
聚賢星奏石騏天上貴珠樹江東秀齊拜獻光輝萊綵瑶樽壽

旅夜

田鬲淵

今宵猶昨何事驚蕭索曾想遍多忘却醉來心自語夢裏人還  
錯回首處當年此夜燈前約玉筍無端落蕩漾愁難縛聊且

任成擔閣青絲明寶鈿翠袖垂珠箔纔撒也葳蕤又鎖相思鑰

遊某氏廢園

閒來廢圃蛛網垂窓戶看回棟迷塵土石牀黃鼠竄老樹烏鴉  
乳竟斷處海棠花下胭脂雨憶昔園亭主此地傳歌舞回首  
際誰能數翠屏圍孔雀象管嬌鸚鵡休問也輞川人去辛夷塢

夏閨

張硯銘

閑堂清晝花影重簾透梅雨歇新篁秀圍碁彈玉子瑞腦鋪金  
獸雲屏下碧衫時露纖纖手漫說分攜久鬆褪雙鴛扣恁底  
事今番又坐來湘水蹙夢去春山瘦僂倖也落紅無主人依舊

鬲淵云殊  
移我情



離亭燕 一名離亭煞

咏燕

柯素培

趁得東風飛絮來。認杏梁雕處。留下舊巢。渾不改。且喜主人相許。新補野芹香。並立綺窗相語。社酒甫經殘暑。又是簷風疎。雨。王謝玉樓成草舍。漫聽旗亭金縷。何處故鄉。遙斜日捲簾歸去。  
硯銘云翠羽紅衿宛有斜陽對語之感

秋晚

杜九高

遠水澄澄如練。映澈斜陽一片。紅蓼池塘。風力緊。零落芙蓉。遶岸望極。草連空。陣陣飛鴉。天半。幾處疎林。霜染野寺。遙遙清梵。歛盡殘霞。山吐碧燈影。垂楊深院。萬戶起炊烟。斜月西南初

見。  
鬢淵云善於設色

粉蝶兒

自恨和毛澤民韻

沈去矜

自恨多情。為何這樣難絕。悶昏昏。沒些情節。到如今。諸事廢。此心不滅。尚牽纏。想著迎風待月。病起穿衣。帶兒却倩人結。瘦將來。臂纔一捻。這離愁。多簇在翠眉兩葉。便歡時。却是與愁同活。  
硯銘云得東堂之神

師師令

席上

田鬢淵

光浮樺燭。對箇人如玉。相憐悄悄。兩情知不語。送秋波。雙日起



清平初選 卷七  
撥金爐香篆。裊又黛眉低蹙。漏深底事，縈心曲。苦絮語難足。擬將舊怨譜。宮商恐只是等閒寒燠。馬上離亭，明日遠把歸期先卜。

風入松 第一體

贈女妓鶯初和張硯銘作

王顯士

閒遊疑是入天台。雪貌花腮。姍姍步履迎風顫。小蠻楊柳身材。道是蜂黃未褪。又早蝶粉胡猜。嬌嗔驀地去。還來生性兒乖。綺窗小立情無限。背着人攏鬢。兜鞋筭我愁城難破。被他笑靨輕排。

周鷹垂席上贈女郎鶯初

張硯銘

華堂清讌日將殘。簾幙珊珊。天風吹得飛瓊下。碧雲淺壓春山。笑拆朱櫻一顆。步擡軟玉雙彎。嬌痴不遣酒兵還。築壘登壇。藏鈎打馬。渾閑事儘教人。沉醉更闌。絳蠟兩行欲滅。紅燈十隊齊看。

鬢淵云寫得  
嬌艷簇簇

傳言玉女

題余氏女子繡柳毅傳書圖

彭駿孫

霧鬢風鬟憔悴。洞庭秋葉湘雲淚滿。點點鮫人血。緘愁欲寄去。雁遠衝江雪。兒家何處。綃宮璇闕。涇水歸來依舊珠輝玉潔。此時難負。更把紅絲結。昔人已往如聽當年嗚咽。素書一紙銀針千疊。



河滿子

同程邨閒話

董文友

雖病猶能縱酒。惟窮然後工詩。欲與孔方新結好。他言素不相知。若輩福應如許。吾儂分合如斯。舊是愛花成癖。新添惜墨成癡。若比孤山林處士。但非鶴子梅妻。願得任從我好。何妨不合時宜。

感舊

田髯淵

可惜風光閒擲。年華客裏如流。回首十年歌舞地。香車紫陌同遊。鬪草風前墮。釧賞花月下藏鈎。眉黛翠凝山曉。靨靨清轉波秋。相憶只教成悵望。眼前風景難留。莫問蜂黃蝶粉。閒情總

自悠悠

硯銘云那得不思

感舊

張硯銘

竹外疎風拂檻。雨餘斜日窺林。午睡覺來無個事。池塘小立森陰。碧草軟勻沙嘴。翠禽輕觸波心。閒憶年時好景。瑣牕曲度瑤琴。流水落花消息斷。謝娘幽夢難尋。惟有露荷烟柳。淚珠猶漬羅襟。  
髯淵云芬如蘭芷燦若雲霞有穠纖合度之妙

風入松 第二體

春日泊舟虎阜遇隣舟女郎戲為賦之 曹子顧

東風不吝冶遊天。滿路擲榆錢。春衫一隊尋花去。是誰人撒下。釵鈿獨有紫衣年少。畫圖無此神仙。侍兒垂手復齊肩。真箇



欲覓牽朱簾半面驚微露。爲嬌羞越覺纏綿。恨殺輕羅勝我時。時貼細腰邊。

春閨

曹子閑

細腰難禁曉風尖。催放水晶簾。蝦鬚一幅留春住。幽蘭畔玉笋纖纖。潮印半侵紅藥。手香初剝黃柑。淡羅衫子索頻添。小幔捲銀蟾。鴛鴦針線無情緒。私心問柳卜花占。小疊紅箋未穩。偷將恨字輕拈。

御街行 第一體

贈鴈

王貽上

銀河一鴈歸湘楚。似向離人語。獨將二十五絃彈。玉軫金徽清

苦水明沙碧。參橫月落遠。向瀟湘去。衡陽南望峯無數。楓葉秋如雨。不勝清怨却飛來。應記江南烟浦。春社纔過。又逢秋社。燕鴈行相遇。

題太湖傍精藍

董蒼水

小亭無數秋雲壓。雨篠涼侵榻。簾前千頃卽澄湖。點點青螺如掃。有個高僧。赤髭白足。說盡生公法。十年慣把溪山路。笠鶴孤飛。匣此中撒下萬千般。消變茶槍菜甲。松陰夜靜。長歌岸曠。皎月纖痕捻。

硯銘云押險韻字字精工

登一覽樓

張硯銘

梵王高閣空中倚。極目雲千里。參差城郭遶蘼蕪。慘淡年來如



此平原村畔春申浦日渺渺荒烟起。蕭疎黃葉從風委。飄墮  
斜陽裏晨鐘暮鼓總無端斷送落花流水棲鴉老樹支龜古碣  
閱歷興亡幾

婆羅門引

寄袁籜庵用稼軒送杜叔高韵

王貼上

問平安否金陵南去楚雲西望中烟草迷離回首紅橋分賦筆  
掣翠虹蛻嘆青門一別白社人稀詩狂酒態老大去幾人知  
枉自荊州作牧吊古題詩周郎已矣憶風流顧曲是當時歸來  
也兩鬢千絲鬢淵云阮亭寄詞後韞玉不久下世蕪鮒曾和  
關中有前生杜牧紅樓路可憶墜鞭時之句此  
老黃壤聞之不知  
濕透幾重衫矣

剔銀燈

本意

賀黃公

小院沉沉深閉聽四壁亂蛩聲沸月照銀墻露飄玉砌怎便思  
量去睡停薰鴛被絮征袍自縫白苧不覺燭光昏晦紅蓓蕾  
知他何意空誤裁縫虛勞報喜纖手剔開雙穗傳呼小婢索蘭  
湯滌除殘膩

撲蝴蝶 第二體

和宋人韻

熊雪堂

想見章門嫩柳明江岸尋芳何處畫漿歸來晚樓頭金蠟微燼  
戶外銀船正滿甚處悠悠歌管春宵短玉人獨自惆悵憑欄



傷春懶流雲香霧。匆匆風吹斷。詩題蜀錦難封。淚滴湘波共遠。誰與商量冷暖。

咏蝶

董文友

舞態踈蹇。自小生香國。渾身膩粉。愛向花間宿。每因徑曲來遲。更爲牆低去速。學盡顛狂輕薄。難拘束。莊生曉夢方足。應許狂奴續影兒。猶好到處教相逐。釵梁貼處。交飛裙袂。拖時對簇。勝揭滕王一幅。

祝英臺近

一名祝英臺

又月底修簫譜

歸思

熊雪堂

聽鐘聲。催日暮。打疊愁千緒。暗想當年。門掩梨花雨。東風一段

銷魂夕陽古渡。看落落寒鴉無數。誰消阻。又獨自箇羈栖。蕭然在逆旅。萬里庭幃。岵屺迷烟霧。是春光同我來。春再來。歟。却不解。還將我去。

髯淵云翻

意生新

糊窗臬署作

陳其年

研光箋。白地錦。糊就幾楞雪。玉淨珠融。不怕沍寒冽。虧他貯旭。娛冬留香伴。夜惹月練和烟縈結。寸心折。那得蜂啞鶯穿漏。箇針尖缺。歸夢徜徉。免被瑣窗截。翻思故國茅簷殘。缸擁背聽。敗紙戰乾風葉。

硯銘云名士風流

一叢花

閏三月三看紫牡丹。記前月修禊。虞山陳其年



琴川前月記幽探。艇子漾柔藍。冶遊恰值人修禊，風光在碧嶂。  
紅潭街上，錫簫山邊，薺菜春色上春衫。今朝魏紫放晴簷，麗  
景十分添。一年最好惟三月，誰頻見兩度重三。花好逢王春濃，  
遇闈樂事艷江南。

曹綠崑南園作

錢葆勳

攜青將放木蘭舟。斜日爲君留。迴廊轉角，亭臺靜倚，闌處人冷。  
於秋澄碧一泓濃。陰四面撲漉起閒鷗。披衿還上竹間樓。茗  
椀話綢繆。先生自是陶弘景，白雲外持贈何求。孫解誦詩，僮能  
釀酒，客號醉鄉侯。

硯銘云寫出  
林下高致

憶春

林定遠

輕烟漠漠雨餘時。人困午風遲。桐陰滿砌，蕉心卷韶，光換綠影。  
叅差蝴蝶飛來，餘香不見，猶自戀空枝。春當好處，幾人知春  
去更誰思。露桃烟柳梨花月，朝和暮各自風姿。待得明年芳華  
依舊，愁髻恐成絲。

硯銘云片玉集  
中有限之作

拂霓裳

閨思

田鬢淵

恰春深。麝蘭百和惹衣襟。畫簾悄。蝦鬚欲捲，呈瑤簪。雙棲巢舊  
羽，竝坐話嬌禽。相看久繡帶，燃同心。個人何處空躑躅。費沉  
吟。從去後，求凰誰理舊時琴。鵲分釵底玉，蓮褪步餘金。廢登臨。  
巫山無夢，晝陰陰。



御街行 第二體 一名孤鴈兒

惜落梅

林鶴招

芳菲落盡春餘幾。亂玉墜飄瓊砌。數枝瘦影隔窗橫。容易玉妃  
顛顛。白雲堆外。月明林下。清淺東流水。羅浮夢斷愁千里。對  
紙帳無知己。五更細雨沒香痕。妬殺晚開桃李。誰家吹笛不須  
折柳。腸斷春風裏。

金人捧露盤

憶舊

田鼉淵

記年時。秦淮渡。舊曾過。恰相逢。畫舫妖娥。玉簫金管。載將十里  
漾晴波。一天卯色。風光好。翠擁藍拖。冶遊來。將十載。空悵望。

隔銀河。未便是。旅夢蹉跎。烏啼鳳去。幾年臺榭。枕烟蘿。琵琶江  
上。青衫客。奈昔愁何。

淨業寺觀蓮有懷蓀友

成容若

藕風輕。蓮露冷。斷虹收。正紅窓初上。簾鈎田田翠蓋。趁斜陽魚  
浪香浮。此時畫閣垂楊岸。睡起梳頭。舊遊踪。招提路。重到處。  
滿離憂。想芙蓉湖上。悠悠紅衣狼籍。臥看少妾。盪蘭舟。午風吹  
斷江南夢。裏菱蘊。

紅林擒近

題贈錢爾斐谿默園詩後

孫執升

雨定栽花地。風分種竹天。曲橋歸綠草。小艇發晴烟。籬徑琴留



彭澤草堂記本香山坐來心境幽然棋罷枕書眠  
閒禽時度語秋水忽成篇浮雲斜照能消幾個青山  
况溪邊明月已交鷗領梧桐何必又專權

鬪百花

南湖廢圃

錢葆勳

藤把欹樓扶任雀被妖蛇啣去當年馬燧名園今日蘭成枯樹  
凭遍船窓無復錦襪凌波但見綠蓑呼渡間事消凝處拍岸  
蒲萄送盡年光如故歌舞散後蒼烟亂飛鷗鷺吹笛何人黃昏  
定有髯蛟來共老桑潛語

硯銘云如見蒼鼠竄瓦

廢閣

張硯銘

敗壁猶撐棟宇繡榻瑣窓誰主雕欄冷落雲山碧砌拋殘風雨  
闌道當年人在響屨廊中月到畫眉塢處金烏沉烟炷雙燕  
重過尋覓舊巢無據多情還筭溪邊醉眠楓樹浪打空灘蕭蕭  
門掩黃昏惟有暮潮來去

瓜茉莉

藏履

稽叔子

屢聽吾言深憐足下苦風塵內隨人步武亡羊失路欲跂脚北  
窗何所更休道行邁靡靡趾高久心不固不如濯足且箕踞  
守蓬戶殘臘卸年華翻譜人生幾輛也知踵決無補勸芒鞋掩  
面待孺子遇好教前來拾取

硯銘云神肖稼軒傲岸自得



驀山溪

感舊

陳其年

碧雲薄暮。畫角誰家奏。深院火熒熒。好風輕翠幃。微皺冰輪徐。上無語倚屏山。金鈎瘦。鮫綃透。人在銀燈後。年時小苑良夜。曾攜手。低掃淡黃蛾。謾垂垂。玉人羅袖。如今人去。門巷也依然。紅橋口。香街右。一帶青青柳。

憶山園

周宿來

空辜俊賞。幾遍停蘭槳。歐冶古池邊。磨劍水平添。十丈雨酣烟。悶何日。載琴尊。尋山去。到園林。坐聽松風響。西塘奔雷險。似瞿塘象。一瓣采蓮舟。應難到。荷花深港。園丁須記。休放鶴巢傾。

還看取半床書。牢閉蘿軒幌。

荔裳云辛陸之間

題漁雪圖

王敬哉

凌空泛去。望裏驚銀海。抖擻綠簑輕。看遙嶺花飛一帶。敲冰得鯉。醉倒玉壺春。酣餘態。人應怪。明月渾疑載。斜風細雨。曾記浮西塞。白鷺剪同雲。更裝就模糊色界。羊裘澤畔。翻惹客星占。風塵外。軋坤大。尚有玄真在。

鬚淵云宗伯詞不多見此從題畫錄出高情曠致繚繞筆端

柳腰輕

觀女劇

汪蛟門

團雲隊裏燈烟暖。梁塵起。春鶯轉。錦靴紗帽。柳眉星眼。就裏雌雄難辨。藏輕鳳。羅帳須垂。護飛鸞。晚風偏顫。不用仙盤頻勸。



清江初建 卷七  
奏新聲月華堪美。丹脂微暈。翠翹高聳。杜牧筵前。驚見飲三爵。忽發狂言笑。顏開紫雲回面。

柳初新

水仙祠前柳

顧華峯

南朝一片傷心柳。總被垂垂留住。水邨山郭。紅橋倚遍。極目亂飄金縷。能有春情幾許。怕重來漫天飛絮。當日別離無據。知他可憶長亭語。狂踪約畧。酒醒殘月。多在踏青歸處。只添得倚風凝佇。念天涯有人羈旅。

有有令

咏畫眉鳥

陳其年

風柔日媚。一盞小金籠。繡簾深處墜。紅苴同心結。緊縮在東風裏。最愁他點徑蜻蜓。銜泥燕子。往來容易。嬌影閒臨綠水倩。小王摘相思子。好把鴉兒打去。休攪春宵睡。隔花悄喚名字。遠山卓氏。錯認做畫眉郎至。

彩鳳飛 一名彩鳳舞

用懶窟詞體

錢葆汾

譚子國春申浦。兩度嗟萍梗。誤茲辰香閣。珮聲釵影。誓今生藕花裏。雙宿雙飛。如何便夢斷舊沙鴛頸。綠波冷。寂寞天涯。羈客臨風空思省。問幾時同倚銀床露井。拜幃前織素小。應也悲哽。鸞迴乍捧處。淚眼炯炯。



千秋歲引

警悟

曹子顧

囊底枯螢。簷頭乾鵲。辛苦功名亦何樂。饒他虎氣。今為鼠儘。教龍蟄。猶如蠖。賣漿家。販繒市。多寥落。私羨尚平。登五嶽。何用季心。矜一諾。今古英豪。總蕭索。東華軟塵。劇奔走。北邙枯冢。終棲托。猛回頭。上蔡犬。華亭鶴。

蕙蘭芳引

春思用清真秋懷韻

王貽上

寒食又過。看馬首淡烟飛鷺。最望遠愁心。江水潑醅。新綠櫻桃。夢覺何處。問畫樓金屋。記箇儂往日。翠袖天寒。修竹塞雪。如花江花如雪。幾更涼燠。便千束魏毫。難寫柔腸九曲。烟蕪遠近。傷心送目。春欲歸。依舊錦衾孤獨。

霜天曉角

自題

許有介

拔身不起。活埋愁城裏。白日長吁而已。招吾竈。誰剪紙。松門蒿里。片石何人紀。若還題我新衙。半癡點。妄男子。巫陽下視。手版傳天旨。帝命許郎無死難。雙燭修情史。那人長侍。酬汝懸槌指。下士叩頭玉堦。謝碧翁。夢醒矣。

硯銘云才子本色

簇水

遣興

田髯淵



華髮星星不須問我生年幾。釣竿樵斧也只在人間。世裏早謝天公賜與臥雪畊雲意。猛關心。百花開未。我老矣。儘向日車塵馬足。莫再混逍遙地。春鴻朔鴈亦自解山翁趣。過我茅堂話舊歲月。供遊戲。將來者莫問桃源避。

洞仙歌 第二體

放籠鴈作

宋轅文

東風幾夜吹透春水綠。日暖莎浮魚戲浴。取雕籠向水菰岸。蘆汀看漸熟。驚赴烟波自速。將翔還似舞。不及成行影入冥冥。聲斷續。任長天一色。萬點關山亂雲目。好到無人處。宿縱雪塞孤臣淚。滿衣寫就。上林書。莫教繫足。

硯銘云鴻飛冥真寓意深遠

鶴冲天

用柳耆卿體題錢蕤敏垂綸圖

徐原一

圓沙在渚。識是君棲處。柳汁染君衣。多佳句。偏情濃。山水戲畫。作扁舟在。儘命儔。嘯侶桂漿篷。窓不讓當年桑苧。風清日暮。鷗鷺隨人去。斫樹束生薪。和雲煮喚玉童把。篋忽吹散江天雨。近前恐未許。一捻腰支。消盡柳陰衷緒。

硯銘云天際雲璈無一凡響

江城梅花引

秋恨

丁飛濤

佳期春過又冬殘。說今年。更明年。何事西風偏欲惹。愁牽海鴈一聲燈半落。向巫山。便為雲也。枉然。枉然。枉然。復何言。被又一



清平初選 卷七  
單枕又寒。蟋蟀蟋蟀汝何苦。惱却人眠。難將心事。吹墮到君邊。容似黃花。身似露。誰信道。到如今。直恁般。

郊遊

錢葆馥

秋來無日不閒行。暮南城。曉西城。酒伴相逢。底用問平生。但是有花無俗客。繫船處。話依依。倍有情。有情有情。君試聽。酒易傾。花易零。醉也醉也。怎醉得。埋後劉伶。冉冉斜暉。不戀遠山橫。峴首碑磨。狐史蠹。千載下。更何人。認此名。

冬閨

田髯淵

一鉤寒月影。纖纖捲珠簾。繞重檐。剗步香堦。翠袖露華。霑暗數。清光圓缺後。又幾夕。到今宵。未肯添。待炊未炊。一種嫌。風乍尖。霜乍嚴。今夜姮娥。偏有意。半吐銀蟾。細認瓊樓。遮處許誰覘。依舊漏深歸去也。函枕畔。蕊燈斜。晃鏡奩。

閨憶

張硯銘

一簾風雨杏花殘。怕凭闌。莫凭闌。滿地胭脂。飄泊不勝寒。春又欲歸人。又病。怎禁得。瘦伶俜。似這般。這般這般。實難看。帶暗揜。淚暗彈。醒裏夢裏。思量遍。誰曉其間。只有粧臺。菱鏡惜朱顏。何日與郎同對。取雙影。並看重。描兩點山。

玉人歌

吳門途中寄內

吳伯頤

當日別。正樓角梨花。垂垂玉雪。纔逢上巳。又值清明節。賣魚橋



上聞啼鳩。客路簫聲咽。最難堪。馬上聞雞。舟中坐月。暗記丁  
寧說。且立在紗窗。消停這歇。綠酒紅燈。夫婦隔吳越。香前兒女  
床前。笛休把愁腸結。看歸來。茂苑未鳴。晴。似硯銘云。酷似秦九

魚遊春水

過西隱精舍

張硯銘

曲徑臨芳沼。滿地荆榛。餘古道。東偏幽處。半啓矮扉。人到牆上  
高垂瓔珞枝。庭前雜種斑斕草。碧宇蟲飛。綠陰蟬噪。靜理鐘  
聲佛號。信此際。心清香妙。閑房頻沸松濤。雅供談笑。坐來不覺  
消塵慮。歸去猶堪尋。晚眺墟里夕烟。埜塘殘照。

髯淵云。條然曠遠。

愁春未醒

和文友青兒曲

陳其年

檀槽尚撥。仙帔初成。似沙場老將。醉來偏喜。楚歌聲。隔着屏風。  
舊恨新愁。指下生當年。此際額黃嬌。暈紅粉。羞醒樂府妖嬈。  
從來屬董。何必盈盈。但越公朱門何在。玉瘦花輕。分付歌奴。休  
將臨本笑黃庭。須知一樣。悞卿絕世。老我虛名。

硯銘云。青衫欲濕。

鵲踏花翻

美人解和徐文長韻

許聖木

歌扇停嬌。舞腰罷困。催人又上金鞵騎。纖尖不倩人扶。手挽絨  
絲。玉山斜枕芙蓉轡。衝開芳草綠茵。天攪和桃花紅雨地。柔  
脆。落盡汗香衣翠。兩行羨煞朱樓伎。想着烏絲輕籠。玉搔斜插。



不。赴。飛。英。墜。聽。他。馬。上。鷓。聲。嬌。歸。來。夢。裏。猶。酣。醉。

前題

田髯淵

寂。鼓。重。喧。停。鑼。乍。響。一。聲。箭。失。桃。花。騎。眼。前。影。亂。鞭。搖。滴。溜。曹。  
騰。機。關。渾。脫。柔。荑。響。疾。時。星。落。漢。雲。天。緩。猶。風。捲。楊。花。地。滿。  
地。草。染。碧。衫。空。翠。掌。人。手。身。天。然。伎。無。數。王。孫。陌。上。神。移。目。逆。  
酒。肆。金。貂。墜。奈。何。天。氣。恰。相。逢。柳。枝。一。曲。筵。前。醉。

意難忘

硯銘云超  
越原唱

山家

吳駿公

村。塢。雲。遮。有。蒼。藤。老。幹。翠。竹。明。沙。溪。堂。連。石。穩。苔。徑。逐。籠。斜。文。  
木。几。小。窗。紗。是。好。事。人。家。啓。北。扉。移。床。待。客。百。樹。梅。花。衰。翁。  
健。飯。堪。誇。把。瘦。尊。茗。椀。高。話。桑。麻。穿。池。還。種。柳。汲。水。自。澆。瓜。霜。  
後。橘。雨。前。茶。這。風。味。清。佳。喜。去。年。山。田。大。熟。爛。熳。生。涯。

憶別

尚木

角。曉。催。眠。奈。燈。微。雨。隔。分。外。輕。憐。桃。低。開。近。臉。柳。短。散。垂。肩。恣。  
遊。女。鬪。芳。妍。小。苑。自。娟。娟。向。床。頭。尋。書。弄。枕。撥。斷。雙。纏。別。來。  
渡。口。空。船。慣。春。風。夜。月。幾。度。情。牽。生。憎。寶。帳。冷。倦。倚。翠。屏。偏。無。  
限。事。已。年。年。更。說。甚。從。前。單。待。伊。愁。寒。試。暖。整。頓。花。鈿。  
綵。牽。引。故。故。纏。綿。有。低。徊。無。盡。之。致。

硯銘  
云情

題張硯銘雜鵲草戲用十八佳人為贈 何信周

有。箇。婢。娟。似。藐。姑。綽。約。洛。浦。翩。躚。觸。膚。成。軟。玉。噓。氣。化。青。蓮。眉。



澹澹骨珊珊。國色自天然。更何須花鈿貼額。懶隨添顏。傾城  
笑壓三千。便佳人垂泣。妬女爭憐。微顰翻覺。媚誤唾亦生。妍明  
月帳。寶沉闌。儘好侍金鑾。怎教伊長門春冷。紈扇秋寒。

雜憶

孫武經

清坐昏黃。憶花邊竹底。去影來香。羞歌低按箏。私畫小污裳。棋  
局散。酒杯涼。貪覷眼波長。再莫題珠名。玉字苦費迴腸。無端  
寸縷如霜。怕伊眉易蹙。我鬢何妨。游絲牽遠夢。彈指誤流光。裁  
半紙。寄輕航。風暖熨鴛鴦。有個人攀桃折柳。瘦立無雙。

酬直方和來韵

田髯淵

白王驄驕。正天街雨過。上袞趨朝。花光催未老。鶯語聽還嬌。雙  
闕迥。五雲高。柳色上宮袍。退食時。錦箋幾幅。揮洒銀毫。懷人  
遠寄江臯。想難忘車笠。屢贈瓊瑤。停雲思不淺。舊雨慰無寥。干  
里隔。九秋勞。似飲我醇醪。待報將尊鄉近。緒魚鴈迢迢。

春情

張硯銘

花信風吹。漸溪桃勻。壓岸柳舒眉。宮鶯音昵。晚江燕羽差池。寒  
食節。禁烟時。晴日暖遲遲。最惱人漫天飛絮。繞樹游絲。芳郊  
十里香堤。看踏青鬪草。睹媚爭癡。軟沙鴛襪淺。密蕊鳳釵欹。聯  
袂去。笑聲微。便一煞分攜。轉教儂千頭萬緒。沒處思維。

法曲獻仙音

山寺坐雨

田髯淵



鈴塔拖雲。經樓籠霧。蒼溜淙淙。達曙。起。蕤。幽。香。漸。烹。苦。茗。無。人  
共。消。清。素。更。檻。外。檐。前。步。時。看。遠。山。樹。等。閒。住。見。驕。踪。幾。羣  
嘶。過。烽。燧。外。陣。陣。忙。馳。赤。羽。玉。笛。一。聲。吹。又。梅。花。亂。飄。無。數。杜  
宇。天。邊。怨。誰。家。只。盡。情。訴。怯。春。泥。轉。眼。坐。了。多。般。朝。暮。

東風齊着力

延平道中

朱錫鬯

百雉城開。雙龍津合。鐵鎖浮梁。千家斷續。三面水雲鄉。繫纜沙  
邊。且。住。纖。絺。軟。五。月。猶。涼。休。催。去。冷。風。閣。上。對。酒。何。妨。巨。石  
擁。中。央。舟。一。葉。過。時。險。甚。瞿。塘。竹。雞。啼。罷。飛。雨。暗。叢。篁。處。處。水  
輪。山。碓。炊。烟。動。菰。米。偏。香。灘。聲。急。斷。磯。青。樹。又。掛。斜。陽。

立春

梁玉立

郊外青旛。盤中生菜。人樂時康。惠風布滿。春水瀉橫塘。競戲魚  
龍角觥。朱樓上小婦。笙簧映。釵色剪花。綵燕香。裊羅囊。莫問  
鬢邊霜。百年內能消幾個歡場。黛眉巧畫。半醉倚銀缸。肯負籤  
聲燭影。酬良夜。細與平章。喜公道不分冷煖。惟有東皇。

春感

田髯淵

綵勝雲搖。青旛歲轉。又是春來。無邊艷冶。芳信報初梅。隱隱池  
塘水。皺浮翠影。砌繞莓苔。香閨外。珠簾待捲。繡戶重開。好景  
恣徘徊。轉眼惜蜂黃。蝶粉爭催。花容正好。誰竝倚粧臺。縱有蘭  
陵美酒。玉人遠。漫倒金壘空。躑躅一天韶媚。鶯燕忙猜。



咏曉

張硯銘

髣髴韓翃依稀莊夢性愛春暉修眉澹粉鬪巧豔陽時是處  
花戀草頻沾惹曉露侵肌香叢裏乍高乍下任任飛飛美景  
正芳菲悄驀向曲廊瑣院偷窺嬌黃嫩白弄影上簾幃旋捉輕  
紈小扇東風軟飄過牆西深閨內憐伊作對繡在羅衣

雪獅兒

咏猫

錢葆汾

花甃臥醒又閒趁十二闌邊一雙蝶舞繡倦空閨幾遍春纖親  
撫奔騰玉距亂蠅拂紅絲千縷試驗取雙瞳似線庭陰日午  
好是蠶時早乳問當年果否共調鸚鵡八蜡迎來何處遠村巫

鼓雲圖錦帶漫搦得張家遺譜燈明處合對金猊小炷

宣清

中秋友人邀遊葉園

張硯銘

陌上秋容麗到小橋深處園林幽暇砌桐疎碧子低垂晚荷衰  
紅衣初卸竹影紛披桂香微逗坐供清話涼籟爽夕陽斜並向  
草堂催駕喜菱芡堆盤蓴鱸入饌醉客金罇瀉問月在誰邊  
柳梢南鱗更沉一輪波下爾許良宵便如泥恁干休罷

梅子黃時雨

本意

陳其年

天水空濛只將暝織愁催雨添恙乍過了東風楊花一桁彈指



還驚仲夏蕭蕭簷瓦跳珠響。葡萄漲鳩婦喚晴。鳧母眠浪。惆  
悵他鄉誰傷。筭爐薰藥裹。聊自屏當。料故園樓頭。茶烟新颺。豆  
綠缸中。梅水滿。何時小啜龍團。餉苔衣長膩。得苧衫難爽。

清平初選後集

卷八

西村張淵懿硯銘選定

箕山田茂遇髯淵全評

同里計南陽子山叅閱

長調

一

滿江紅

拜岳武穆墓

錢爾斐

西子湖山。喚不醒千年聾啞。祇辨得淡粧濃抹。逢人便嫁。突兀  
石存今古史。霏微烟寫興亡畫。只西泠盡處一杯墳。傷心者。  
銀瓶墜。傳佳話。鏡像碎。留餘罵。看權奸忠義。誰增聲價。白骨英



清平初選 卷八  
雄衰草裏盡船簫鼓斜陽下但兩高相對哭孤忠于司馬

重陽舊感

吳駿公

把酒登高望北固崩濤中斷還記得寄奴西伐彭城高譙飲至  
凌敲看馬射秋風落木堪傳箭歎黃花依舊故宮非江山換  
獨酌罷微吟倦斜照下東籬畔念柴桑居士高風誰見佳節又  
逢重九日明年此會知誰健論人生富貴本浮雲非吾願

偶贈

顧盼雄姿數馬稍當今誰比論富貴刀頭取辦只應如此十載  
詩書何所用如吾老死溝中耳願君侯誓志掃秦關如江水  
烽火靜淮淝壘甲第起長安里尚輕他絳灌何知程李揮塵休  
談邊塞事封侯拂袖歸田里待公卿置酒上東門功成矣

閒居

老子平生雅自負交游然諾今已矣結茅高隱溪雲生閣暇日  
好尋隣父飲歸來一枕松風覺但拖條藤杖笋鞋輕湖山樂  
也不赴公卿約也不慕神仙學任優游散誕斷雲孤鶴健飯休  
嗟容髻改此翁意氣還如昨笑風塵勞攘少年場安耕鑿

云祭酒作長句驅南北史如奴隸本調數十闋  
滔滔渾渾亦復相似辛陸而在定當自媿才短

拜岳鄂王墓敬和原韻

龔孝升

鐵騎春寒英雄恨何時始歇對萬古日飛潮射抗忠比烈玉劍  
氣橫南渡水靈旗夜捲朱仙月念青衣行酒是何人關情切



金牌憤風波雪。社稷事東窗滅。歎一堆黃土。河山頃缺。五國水長封。馬角九天雨。又吹龍血。憶當年壯髮。怒雲高。搖雙闕。

拜于忠肅公墓用岳鄂王韻

萬里神州當公世。三光幾歇。奉社稷。仰迴天步。義聲霆烈。翠輦不移。螭陛草丹心。長照龍堆月。置歿生成。敗付蒼穹。孤忠切。弓鳥恨。須臾雪。徐石輩。紛紜滅。視大名諸葛。旂常無缺。策定抗辭靈武。賞事完。補灑攀車血。使非公毋論奪門功。誰陵闕。

憶

王次回

春雨霏霽。正狼籍落花堪哭。無聊賴。客窗滋味。幾宵殘燭。眼底乍拋人。一個肩尖壓上愁千斛。問斷腸詞爲阿誰吟。樓東玉。銀屏後。闌于曲。偎粉面。頻叮囑。愛明眸。秋剪翠蛾。嬌蹙福薄。若無歡笑。分病身。終守孤單宿。望天公鑒念一心人。成金屋。

又憶

眼角相勾。誰道有這場拋散。怕向那定情簾下。訴愁窓畔。幾度卸粧垂手。望無端。夢覺低聲喚。猛思量。此際正天涯。啼珠濺。欲寄語。加餐飯。難囑付。魚和鴈。隔雲山。牽挽寸心如線。善病每逢春月。臥長愁。多向花前嘆。况如今憔悴去。儂邊何曾慣。

江村

曹子顧

柳浪方高。桃花雨一村都漲。應自喜春風未老。故園無恙。籬筍新抽。江燕出蘆芽。半捲河豚上。早挑來。菘菜帶泥。鮮隣家餉。



柴門外。微波漾。芳樹杪。時禽唱。好邀來村社。濁醪盈盞。歡笑兒  
童。鴨脚果。逍遙父老。蛇條杖。是農莊一幅太平圖。丹青樣。

銅雀臺

毛卓人

滿目風沙。愴落日三臺。一色頻悵望。魏宮遺址。墓田離別。寂寞  
兩河東。向帝。淒涼千載。西陵客。想總帷時有。擲書人。黃華驛。  
焚繡褥。沉椒壁。遲玉玦。邀香跡。與漳流上下。晚波搖滴。夕館竟。  
歸瑤吹。隱荒碑。淚惹銅瓶泣。暫停驂玳瑁。古樓西。評今昔。

感遇

尤展成

我醉欲眠。且收了眼光。青白分付與。死便埋我。陶家之側。天下  
山川吞八九。腹中人物容千百。任諸君拍手笑。狂生。乾坤窄。

看紙上能陳策。說馬上能擒賊。問何人請劍。何人投筆。我夢化  
爲蝴蝶。舞醒來敲碎珊瑚缺。嘆一腔熱血灑何時。青衫濕。

旅夜聞蟋蟀聲作

宋玉叔

試問哀螿。緣底事終宵。嗚咽。料得汝前身。多是臣。孤子孽。青瑣  
闥。邊瓔珞。草碧紗窓外。玲瓏月。况兼他。萬戶搗衣聲。同淒切。  
梧葉落。西風冽。蓮漏滴。征鴻滅。似杜鵑春怨。年年啼血。千里黃  
雲。關塞客。三秋紈扇長。門妾背銀缸。和淚共伊愁。牀前說。

云激楚壯越  
爲微物生色

硯銘

春暮

吳蘭次

無數花枝都填了。蒼苔閒空。總應被兩眉擔閣。雲心攔縱。楊柳



不銷南浦約。杏花又醒西樓夢。鎮閉門寒食。自消覓鄰家宋。  
粉墻外。鶯聲闕。湘簾上。蛛絲重。歎香衾半褶。玉閒釵鳳。酒酸漸  
疎愁。補缺屏山欲破。風知縫憶當年紅袖倚。迴欄吹簫共。

張覲銘初度

董蒼水

五柳高齋恰對着一泓秋水。繞溪畔檀欒婉變輕鷗飛起。菜甲  
風前蕤蕤綠。荳花雨後垂垂紫。問何人負未學龐公賢如此。  
白藤杖。青棕履。紅螺盞。烏皮几。看豪吟痛飲。誠哉名士。蔣徑久  
忘賓與主。蘧年莫問非和是。但相逢箕踞對斜暉。浮春蟻。

悵悵詞

陳其年

一畝書齋白楊樹。今番滿矣。想十載墨池滋味。不過如此。芍藥  
風流可賜緋。丁香年少宜衣紫。問奚爲蹀躞鸛橋無聊子。  
簫欲哭。紅水壘。琴欲笑。爭霜葉。嘆騷茵墨寶。命儕歌婢。硯締半  
車蘭葉。鬼詩斟一斛。茶花髓也。紅顏絕代可憐人。因誰歎。

旅憶

宋子壽

草草花花憑誰染。江南堤岸。尋芳去。金鞍年少羅衣半捲。玉樹  
千家春日裏。長空一點遊絲轉。奈紅顏如畫亦如真。消覓遍  
相憐處。凌波淺。愁絕處。雙娥歛。似相逢洛浦。陳王曾見。拂水橋  
邊新月落。白雲城外行人遠。恨西風吹我入燕山。流年換。

和友入作

林定遠

宛轉笙歌驪珠串。遶梁迴雪。更驚盼。昭儀飛燕。雙移羅襪。窈窕



春歸堤上柳。朦朧雲吐花。間月趁餘香。蝴蝶影翩翩。湘裙摺。  
東風外。遊絲揭斜照裏。啼鶯歇。看凝眸掩扇。因嬌成怯。今日新  
妝墮。馬髻當年。初見齊眉髮。願莫愁艇子。却時來。芳菲節。

咏茉莉

張嘉樹

玉女窓邊乍放處。半嬌半怯。堪愛也。氛氳微散。晚涼時節。纖手  
穿來盤翠髻。素絲籠去。當秋月。怪檀郎潛取。被人知。清芬洩。  
廣寒女。冰成骨。瑤臺母。銀爲闕。總輸他第一。幽姿獨絕。入水偏  
增冰。腕韻同心。便與幽蘭結。喜夜闌枕畔。忽聞香。疎簾揭。

咏螢

姚竹齋

螢火微鮮。湘簾外。亂星如滴。最好是。初殘小雨。流光熠熠。暗水  
池塘分。又聚簷花顛。倒疎還密。颺高樓。菽菽晚風斜。飛無力。  
臺榭下。闌干側。驚少婦。傷孤客。看深閨。巧入繞人羅。褶儘可輕  
翻。團扇底。莫教浪惹。蠨蛸織。伴蛩吟。一夜好燈兒。相憐惜。

東張硯銘

周鷹垂

三影先生。雄占着詞壇。赤幟羨。落筆雲飛。雨驟江花無二處。士  
星應太史。奏孝廉。船學思光。繫手一編。莊子與離騷。終年歲  
愁千萬。蓬蒿寄看失馬。同兒戲。嘆蛾眉。謠詠入宮。自媚和氏不  
將燕石。售當門。早恨生蘭蕙。讓周郎。顧曲也能無。潛師避。

蘆花庵

田髯淵

鏡底浮珠。延望裏。一江秋色。看不盡。來檣去檣。歲時如織。鹿去



誰尋吳苑主。鶴歸空話。華亭客。記由拳雞犬老蛟宮。成陳跡。  
鷗岸遠。山烟白。塔影射。波光碧。閒中指點處。寺僧知得翠帶風。  
搖萍意動紅衣露。惹荷心。滴問鐵崖去。後我何人花前笛。

咏柳

張硯銘

何許春歸銀堤上。東風料峭。看是處長條低拂。眼舒眉掃。紫燕  
話餘斜日暮。黃鶯啼斷新枝曉。漸陰陰綠遍灞陵溪。嘶腰裏。  
郵亭畔。垂絲裊。深院落。飛花繞。縮江南江北離愁多少。蘸水籠  
烟粧閣近。揚鞭吹笛。關山杏。問靈和韻致幾人如。風流渺。  
淵鬢

云合後作讀之  
不媿思曼風流

南陌春光無端被。柔條漏洩。遶池塘。粲粲弄影隨風飄。撇水驛。  
樓頭寒食雨。旗亭屋角昏黃月。慣安排。青眼看行人。輕攀折。  
鶯飛處。流梭揭。馬嘶處。遊韁掣。任綠陰深淺。翠描金。抹百歲韶  
華。曾有幾年一度。花如雪。漫慙慙。弱縷繫相思。同心結。

臨江仙 第六體

夢遊

龔介眉

夢遶小樓影。玉釵無恙。珠箔依然。記當路紅橋。碧水濺濺門前。  
莫愁村裏會遊處。不羨神仙。無端又是紫駢嘶。動青舫。迴旋堪  
憐。歸雲擁樹。遙見芳艸黏天。有歌翻團扇。恨灑蠻牋。纏綿向  
羅幃側。銀缸畔。俛首無言。知何夕。屈指逢三五。人月清圓。

尾犯



偶吟

顧華峯

雨過小橋頭。雙屐同攜。踏破殘綠。帶酒纔醒。黯天涯。凝目正江  
上。數峯寒鎖。共眉心。一般愁蹙。只秋風外。斷草斜烟。不似春粧  
束。乍香飄別苑。生看殺。墻東玉。人憶誰邊。倚闌于紅曲。漫回  
首。柳陰花影。到重來。鶯喧燕蹴。閒吟暗想。料無分。傍伊金屋。

玉燭新 第一體

秋閨

儲雪持

金風吹繡閣。望長空。碧影微雲。罩黃葉。紛飛一派。寒聲樹杪。悶  
掩銀屏。自省無端寂寞。秋思擾。砧聲早。誰家趁月。邊衣輕搗。  
一行鴈字飛來。恐望裏。衡陽尺書難到。香影簾開。寶獸斜噴瑞

腦怕露井風烟冷。霜華獨伴羅幃小。悲秋來。辜負白蘋紅蓼。

玉漏遲

別意

宋尚木

銀燈還半滅。生憎玉漏。今宵輕度。漫倒金尊。百罰深杯。頻訴銅  
鴨篆烟微裊。掩六幅雲屏香霧。郎且住。霜濃馬滑。聲聲休去。  
便教款語多情。但月下花前。分飛最苦。攜手臨風。陡整從前愁  
緒。惜別牽衣躑躅。漸紫陌雞鳴人語。天欲曙。雙雙暗彈珠露。

水調歌頭

述懷用蘇東坡中秋韻

龔孝升

小住爲佳耳。萬事總由天。乞天判與沈醉。斷送奈何年。逞日寶



刀橫吹。今夜清燈疎雨。髣髴暮雲寒。吾老是鄉矣。雙袖百花前。  
倦司馬。窮阮籍。只高眠。宿醒剛醒。又問皓月。可曾圓。長策瓊  
臺采藥。小隱於陵。織屨雅操。仗君全放眼。憑欄久。風露正娟娟。

解嘲

尤展成

卿自用卿法。吾亦愛吾廬。一生着幾兩屐。安用美哉車。種得東  
籬五柳。飲得東臯一斗。此外又何須。已夢我爲蝶。誰識子非魚。  
想非非。書咄咄。解如如。不如說鬼。妄言妄聽。莫辭無人貴。及  
時行樂。我也逢場作戲。軟飽黑甜。餘勿問九州事。且臥一床書。

雨中登峴山

趙半眉

羣壑一何秀。爭向雲溪流。流來無限春色。一片峴山收。我爲貪  
看泉石。直上薜蘿深處。烟雨坐披裘。雲裏峯頭白。風捲碧湖秋。  
前溪畔。浮玉小。釣船幽。空濛無際。何須三島覓。丹丘最是愁。  
來催客愛此。青巒疊疊。遮盡許多愁。獨立空亭暮。長嘯對滄洲。

壽何履方

董蒼水

螺盞浮瓊液。鳩杖映華顛。秋來恰遇佳景。巖桂凝晴烟。本是竹  
溪六逸。堪入香山九老。手韻自翛然。不作黃梁夢。惟檢白雲篇。  
柴門靜。松徑僻。日高眠。丹青妙理。直將筆墨當談禪。吾欲借  
君彩筆。便擬寫君入畫。儼似畫中仙。蟾影如秋色。瀟灑自年年。

次韻答家兄仲謀

彭駿孫

去年分手處。蕭寺古鐘樓。縹緲霜天孤鴈。驚破一行秋。二十四



橋烟月一百五朝風雨憔悴少年遊故鄉渺無際日斷不勝愁  
吳天角楚江尾越山頭不如從此歸去揮手弄魚鈎縱有長  
安同學誰問行吟澤畔五月有披裘湖山春未老去去莫淹留

憶金陵

魏惟度

白下舊遊地燕子浪掀天秦淮花柳如霧綺閣闌雲妍盡日笙  
簫沸起人在醉鄉深處終夜抱琴眠豈意鍾山樹衰颯繞寒烟  
渡楊子登北固思悠然金焦影裏江月依舊向人圓浮玉門  
前留帶瘞鶴江濱摹石佳話憶當年空有江南曲流恨入新絃  
硯銘云惟度詩持一選爲年來風雅君宗所撰芙蓉屏傳奇  
膾炙人口詞復淋漓盡致方駕歐蘇惜投示稍後僅登一闕

寄王敬哉宗伯

梁玉立

椒酒催殘臘綵勝鬪新妍回首青門分袂離別再經年遙想柳  
堂深處春夕燒燈嘉會酬和白雲篇寄憶山中客頻爲寄魚箋  
香一縷書數卷只高眠當時忝竊師門同學又同官君近九  
重天上我在北潭池畔相望各風烟何日重攜手身健且加餐

題岳陽樓圖

成容若

落日與湖水終古岳陽城登臨半是遷客歷歷數題名欲問遺  
踪何處但見微波木葉幾簇打魚罾多少別離恨哀鴈下前汀  
忽宜雨旋宜月更宜晴人間無數金碧未許着空明淡墨生  
綃譜就待倩橫拖一筆帶出九嶷青彷彿瀟湘夜鼓瑟舊精靈

吳門懷古

余澹心



夜半寒山寺。鐘聲送客船。秋風秋雨何限。人醉夕陽天。當日吳宮歌舞。六代鳥啼花落。猶在酒壚邊。館娃何處是。衰草逗荒烟。  
登虎阜遊鶴市。聽啼鵲。廡下齊眉舉案。長向北窓眠。黃了洞庭橘。袖綠了白堤楊柳。簫鼓自年年。寒食與重九。俱費買花錢。  
初夏吳門舟次董樗亭錢葆馥留飲顧梁汾適至卽席

分賦

陳其年

往事細如雨。新水滑於羅。十年纔一會面。不飲欲如何。雪抑松江銀鮓。黃鑄洞庭盧橘。酌以小紅螺。僕素不勝酒。醉態亦傀俄。相樂也。復相泣。起婆婆眼中之人。老矣。春後落花多。休管誰家龍鳳。不若狗兒吹笛。伴取膽娘歌。小別數日耳。榴月復經過。

中秋次東坡韻

鄒訥士

何處吹蘆管。雙劍倚長天。銀河萬斛湔洗。風景似當年。料得玳樓簾捲。又怕玉人衣薄。香裏夜珠圓。破鏡啣團扇。寂寞小樓閒。  
飄蝶夢。驚鳥睡。攪花眠。剛道人間月半。天上月團圓。我是前身金粟。伊是今生玉女。何事不周全。待駕青虬去。仔細問嬋娟。

壽何履方步蒼水韻

田髯淵

似與倪同嬾。那從米共顛。興餘琴停奕罷。筆墨飽雲烟。曾向蘭亭竹徑。每憶南皮北海。遑事記迢然。三杯白墮酒。一曲紫芝篇。  
梧月皎。蕉雨滴。伴高眠。東籬卜築。君家孝隱。慣談禪。早是單鴛別室。莫假一丸佛寺。且作病中仙。捋鬚臣老子。此事問他年。



逆旅

逆旅過客耳。攘攘欲何之。無端燕鴻隊。裏怪我去留。癡寒暑中。間歷盡風雨。長途愁絕。潦倒鬢成絲。塵隙乾坤濶。儘看白駒馳。較輸贏。爭巧拙。辨雄雌。疆場一彼一此。此事我能知。漫做關河行李。莫忘江鄉春信。花月總差遲。在家貧亦好。記取稼軒詞。

憶別

張硯銘

聽唱陽關徹。悄地淚朱零。但看馬首南向。便是別離程。為問王孫歸日。正值三春好景。那處最牽情。縱有夢。竟去消息不分明。掩香幙。收錦被。悔今生。烏啼月白。何苦抵死促人行。妾作坐雲西散郎。逐海潮東落。後會杳難憑。回首十年事。萬古恨填膺。

硯銘云按本調東坡中秋作後段第四句四字第五句七字近來名手往往第四句作六字第五句作五字未審於成譜無違錯否俟知音者辨之

滿庭芳 一名鎖陽臺

秋景

王敬哉

秋老郊原黃蘆小艇。清江萬樹丹楓。山窮水盡一望白雲空。夕照明霞點點飛。無影幾陣征鴻。炊烟接沉沉古徑。遠寺出疎鐘。朦朧凝望處。野塘淒寂。粉淡芙蓉聽蓼花灘畔。叫徹寒蛩。又是黃昏將近。人家裡夜閣燈紅。征衫薄長亭短驛。客路捲西風。

書懷

無名氏

翠篠拖晴。朱闌歇雨。園林景色清妍。樓臺簾幙。楊柳織晴烟。名



卉奇葩無數。鶯聲鬧攪亂春眠。風軒外浴鷗舞鶴。麥浪間桑田。  
涓涓看曲沼。魚翻翠荇。鷺蔭紅蓮。况溪山罨畫。碧浪蒼川。謝  
却清時鐘鼎。無非是酒聖詩禪。菰蘆裏樵青作伴。瓢笠釣魚船。

閨憶

毛大可

海燕爭春城烏啼曙。叢叢花滿闌干。虹梁日照碧葉露初乾。昨  
夜新衣裁就。董籠煖翠簇紅攢。頻提視羞人難着。只說曉粧寒。  
長干西去路。春江鴨綠新水漫漫。蚤青牛朱轂駟馬金鞍。江  
畔垂楊萬樹。風吹繞貝帶斑斕。粧樓望翩翩。水底疑向鏡中看。

釣樂

曹子顧

釣墜蟾蜍。餌懸蜥蜴。佳詞構自奚囊。修綸一尺。獨繭下菱塘。借  
問魚蝦幾許。提筐去到處。徜徉生來性。直鈎可使不上。亦何妨。  
何妨終日伴。紫藤花落。白荇花香。有船名舴艋。歌擬滄浪。八  
十。瞞溪野叟。名心在坐。佐周皇。羊裘子。高山長水。江瀨有嚴光。

春閨

吳寅仲

柳眼全青。桃腮半赤。黃鶯枝上初啼。非因中酒。何事睡偏宜。自  
小深藏金屋。香閨路。夢去還迷。方驚起。小鬟來報。燕子恰雙飛。  
更衣隨步到。衆芳亭畔。芍藥欄西。見花屏角。裡矮矮朱扉。正  
好低聲索問。將從此逗去。芳思回頭。覩閒庭久立。阿母見。須疑

除夕和懷起作

張越九

四序將周。百端粗畢。魯戈若箇能揮。厭聞剝啄。無計敵寒威。且



盡尊中栢酒。人間事別作。思維歡娛處。童顏鶴髮。逸興早遄飛。  
 依違嘆半世。塵勞袞袞。倏伏危機。幸天心開網。得遂初衣。十  
 載閒評花月。溪堂畔幽意。誰知來朝起。椒花獻頌。永進百年卮。  
 鬢淵云忠愛之意。油然而生。

中秋

錢武子

玉樹沉陰。珠屏扶翠。夜涼一片秋聲。紅英未老。檻外桂枝明星。  
 漏絳河偏瀉。彩雲散。璧月初晴。催龍笛歌喉。幾處畫閣繞。盈盈  
 廣寒憐素女。細腰整帶。纖指調笙。自羽衣閒舞。瑤殿烟清。那  
 念離人此夕。西烏度。幽恨難平。冰壺透漫。垂繡帳。低影欲三更。

醉白池

王顥士

雨潤新篁。香傳晚桂。池臺水木清華。主人愛客。開宴日初斜。泥  
 飲情騰欲醉。朦朧影澹。月交加。溪亭上。華燈四映。水面出銀花。  
 且休論世事。龍爭蠻觸。猿鶴蟲沙。幸偷安榆社。滿眼桑麻。怡  
 又茱萸初熟。持螯對玉盞。流霞更何羨。龍山戲馬。高會足堪誇。

顧梁汾扈

駕詩題後

陳其年

萬乘旌旗。千官羽獵。翠華絕塞重經。珠鞭玉靶。日黑虎風腥。美  
 爾金閨年少。陪游幸鳳輦。龍庭霜天曉。栢黃袍。出一騎。按秋鷹。  
 至尊親講武。火城漸杳。交網猶扃。更北平城外。嶺斷雲橫。飛  
 鞚傳宣。七校黃羊酒。前隊教停。琵琶歇。碧天氍帳。一曲海東青。

寄酬申鳧盟

梁玉立



河朔才名傳家忠孝。詞場共美陰何。故人統扇贈我惠風多。別後停雲一載。遙山蠹馬。服鬼峩燭花。剪西窗雞黍。悵望阻滹沱。荆扉嘗晝掩。老漁相逐。雨笠烟蓑。任世情翻覆。衮衮頰波。懸想洛鵲已熟。高臥處。對酒當歌。擬他日滄浪攜手。長嘯踏青蘿。觀女伶演淮陰故事

絳燭清宵。彩雲華館。蠻腰細舞。迴風嬋娟。忽變繡襖。染猩紅鎖甲。艷分雪色。兜鍪小雙頰。芙蓉顰。掩映將軍紅粉。錦繖黛眉同。登壇當日事。衣冠優孟。寫出備工。嘆英雄佳麗。一樣飄蓬飛絮。落花舊恨。誰憐取。桃李春穠。乘月夜衣香人面。莫放酒盃空。

中秋

王慶成

玉樹雲收。瑤階露濕。長空澄澈無塵。冰輪孤照。翠幙幾圍深。一陣天香飛墮。輕風轉桂粟。飄金珠簾掛。雕闌浸水涼。瀉碧梧陰。鵲爐烟裊處。麝蘭偷炷。暗祝芳心。漸濛濛霧鎖。冷透羅襟。欲問廣寒宮殿。星河悄。兔影沉沉。又何似。乘風吹去。試對月中人。

咏雪

計子山

玉殿驚塵。瓊樓飛屑。一天香粉脂痕。花燈十里。黯淡鎖朱門。此際嶸州甜雪。西池上。幾度銷魂。人間恨。銀缸獨對。清漏夜沉沉。迢迢芳信杳。珠簾散漫。玉樹繽紛。聽幽蘭綺戶。風斷瑤琴。多少流黃思婦。剪不盡。絃扇綃裙。金猊冷。壽陽宮。月花影動黃昏。

閏六月七夕和弇州韻

周廣庵



有分蹉跎無窮打筭佳期暗阻風波人間底事嘆息景如梭偏  
是雙星會合。捱時日餘閨爭多。逡巡處鵲橋遲駕行不得哥哥。  
盼盈盈銀漢也應變做恨海愁河更玉鈎斜掛似映顰蛾寄  
語七襄機畔秋期近錦瑟旋和須知道良緣美滿常費許多磨。

雨夜

宋疇三

寒破空堦春銷綠樹可憐滴碎芭蕉玉鈎低掛深院晚香消葉  
底殘紅無力紗窗外竹響蕭蕭相思處夜闌酒醒長恨楚天遙  
如愁還似淚銀燈焰冷斷鴈聲高奈幽夢難成歎枕無聊正  
是消覓時也滯廉纖濕透紅綃驚人睡殘更數盡和淚到明朝

端午

曹掌公

浪柳臨風火榴映日小池荷葉田田孤村薄暮樹暗接長天還  
憶錢唐江口來競渡簫鼓聲闌斜陽外漁舟搖曳細雨咽荒烟  
誰憐芳景過葵花盛放艾葉初圓試蘭湯浴罷佇立庭前蛺  
蝶雙雙飛舞傾蒲盞風景增妍傷心處天涯望斷憑弔古湘川

夜景

何信周

萬籟初收小樓乍靜餘薰吹散中庭惱人天氣懶把玉樽傾閒  
向堦前獨步虛簷外暗度流螢科頭望銀河明滅疎樹掛繁星  
曲欄花睡後就涼移榻避熱吹燈笑冰紈無力白鳥多情底  
事唧唧枕畔一床夢攪不分明惺忪處朦朧月色譙鼓兩三聲

和湘真詞

趙澄江



滿目青蕪橫塘碧水杜鵑枝上啼痕綠楊嘶馬半响惜慙慙愁  
聽伊州水調斜陽外處處銷魂彈珠泪天涯回首記取燕釵分  
深深明月下細添蘭麝輕蹙湘裙計風流旅思生怕儂聞舊  
日翠樓同倚淒涼見萬疊愁雲還能到傷春時候花雨度黃昏

春暮

張硯銘

烟雨池塘綺疏庭院遶林修竹千竿晝長人靜翠影逼窓寒午  
夢初回未起屏山外小鳥綿蠻依稀見添香淪茗細語動雙鬟  
愁煩禁不住黃鶯紫燕攪得春殘便柳陰白綴花片紅翻纔  
是清明過也雕闌畔風景難看休提起江南塞北香閣老朱顏

咏美人影

纔下羅幃乍臨寶鏡嫣然一笑相逢凭欄日上悄入百花叢更  
向池塘婀娜波光映兩朶芙蓉春燈裏隔窗孃孃蟬髻轉玲瓏  
匆匆人去後倩伊作伴倚翠偎紅愛雲屏配繡等樣惺忪夜  
夜空庭月白心香炷泥定行蹤還消受蘭膏欲燼不忍遽拋儂

硯銘云草堂載周秦二闕換頭第一句二字叫韻今每作五  
字不叶恐非合調集中偶有存者以珠玉繽紛遽難割愛也

鳳凰臺上憶吹簫

和漱玉詞

王貽上

鏡影圓冰釵痕却月日光又上樓頭正羅幃夢覺紅褪緗鈎  
眼初按未起夢裏事尋憶難休人不見便須含淚強對殘秋  
悠悠斷鴻南去縱瀟湘千里好爲儂留又斜陽聲遠過盡西樓



顛倒相思難寫。空望斷南浦雙眸。傷心處。青山紅樹。萬點新愁。  
有意拈針。無心添線。何時細語憑肩。正蝶雙墻裡。燕偶簾前。好  
把春愁攪亂。渾無緒。總爲情牽。難留住。梨妝褪雪。桃靨飛烟。  
無緣。人人去也。應繡着芙蓉。藕斷絲連。任門塵蛛網。堆積苔錢。  
池畔微波吹皺。春殘處。柳岸莎田。風來了。桐花亂落。敲響琴絃。

悼往

計子山

塵滿閒房。香消紫幕。曉來清露初流。聽哀蟬落葉。雨點紅溝。猶  
記竹窓夜靜。春燈裏。金剪悠悠。驚回首。天寒翠袖。獨上西樓。  
颼颼黃昏近也。一陣陣。西風吹下。簾鈎對銀缸黯淡。寶瑟虛留。

本意

芟山夫

只恨明珠去杳。更何日金盃重收。今宵月多應照我。萬種離愁。  
花滿秦川。雲開巫岫。水晶簾下梳頭。看那人丰韻。天付多愁。生  
憎黃金買得。長門事。欲賦還休。偏消受。百般擱就。一種風流。  
悠悠舊時別去。千萬遍叮嚀。解贈吳鈎。到而今。信杳重上南樓。  
無數青青楊柳。空遮斷。鞭馬長秋。簫聲咽。從新惹起。爲覓封侯。

感舊

錢武侯

柳浪含愁。花烟凝恨。何年重過吹笙。嘆天涯迢渺。琴劍飄零。漫  
道春風無恙。空目斷寒食。江城離覓處。夕陽芳草。一帶山橫。  
傷情。落花時候。記紅雨幽窓。攜手聞鶯。奈珮環聲杳。夜月空明。



玉匣粉香消。盡粧臺上鸞鏡餘青。良宵永。虛成好夢。不到蓬瀛。

和漱玉詞

彭駿孫

寶鴨拋烟。寒螿泣露。蘭橈催發湖頭。正銀河清淺。殘月如鈎。多少情。悰欲說。知無奈。則索行休。紗窓靜。幾株疎柳。一片清秋。堪憂箇人何處。那衣香。手粉。髮。佛。還留憶。舊年此夜。花壓層樓。靜對金波。似水桃笙。上隱隱。回眸傷心處。依然花月。添却離愁。

美人

張硯銘

蟬翼新梳。鴉翎乍剪。雪膚花貌。娉婷看捲簾。小立綽約難勝。旋整繡裙。閒步凝眸處。碧水澄澄。弓鞋褪淺。兜輕捻。一瓣春生。盈盈海棠樹下。對玉容妖冶。掩映風情。况蘭心蕙質。無限聰明。

瞥見柳綿飛。墮思底。事吹作浮萍。沉吟久。回房獨坐。粉淚偷零。

夢揚州

懷陳子山農

王西園

暮雲愁。覺大江南北悠悠。為語陳郎。琴劍何處。依劉。三年別長。歌落月。雙魚欲寄。無由烟波。遠天涯。路難分。楚尾吳頭。見說蕪城勝遊。有三五紅兒。十二朱樓。燈火雷塘。畫舫徐按。篴篥觀濤。騎鶴從遊。晚竟幾時。弟古邗。溝良宴會。爾思竹里。我夢揚州。

燭影搖紅

吳門元夜值雨和張材甫上元韻

龔孝升

花信爭傳。玉鈎草色寒猶淺。雨絲風片。帶紅愁。誰記張燈宴。粉



霧檀雲暗捲。伴名香銀梅小苑。畫橋烟暝。酒市人歸。寂寥絃管。  
 金翠吳宮。燭龍幾照朱門換。青驄紈扇。憶長安人醉。雕闌遠。  
 十里香塵不斷。惜流年歡長漏短。月迷江館。客散旗亭。一行春  
 鴈。  
鬢淵云穠艷中自饒  
 靜致非淺俗人可到

山塘卽事

吳駿公

踏翠尋芳。柳條二月春風半。泰娘家在畫橋西。有客金錢宴道。  
 是留儂。可便細沉吟。迴眸顧盼。繡簾深處。茗椀爐烟一床絃管。  
 惜別匆匆。明朝約會新亭館。扁舟載酒。問嬋娟。驀地風吹散。  
 此夜相思豈慣。孤枕宿黃蘆。斷岸巖城鐘鼓。凍雨殘燈。披衣長  
 歎。  
碑銘云不良  
 會把人禁害

早春

田髯淵

暖入孤衾。竹牀倦起。驚春早。小池綠皺。舞鮫冰。甫覺晴波好。雨  
 過莓苔碧繞。綴空堦。風搖細草。玉鈎簾外。金篆烟中。數聲啼鳥。  
 日炙風融。驀看幾尺游絲裊。軒窓無事。理瑤琴。一曲閒情悄。  
 離恨天涯怎了。漫牽惹韶光未老。乍窺柳眼。漸暈桃腮。費愁多  
 少。

元宵

張硯銘

皓魄飛空。鳳城徹夜清光滿。珠簾繡戶。盡春風競結。神仙伴。五  
 劇三條遊遍。戀芳踪。香塵不斷。鈿車寶馬。火樹銀花。儘人流盼。  
 十載星霜。年華瞬息如驚電。瓊樓玉宇。望中遙。那復聞絲管。



清平初選 卷八  
夢入廣寒宮殿。只惆悵姮娥分淺。一天雨雪萬里雲山更誰消遣。  
鬢淵云與坡仙滿庭芳作曠百代而相感

漢宮春 第一體

秋日同姜如農給諫散步城隅歐陽公集有真州東園

記此其遺址也

宋玉叔

白露蒼烟。憶醉翁椽筆。曾記東園。高臺畫舫安在。風物依然。重陽近也。覓黃花共倚危欄。楓林外。澄江如練。寒鴉千點飛翻。頗怪并州舊戶。早尊鱸。夢斷偃臥丘樊。故鄉烏衣門巷。衰草荒阡。干戈滿地。何從問盤谷斜川。君笑曰。無如此處。濠梁秋水之間。

長亭怨慢

夏日吳門道中寄內

陳其年

記睡醒紗巾輕墮。又促移床樹陰中臥。院悄人稀。舉頭閒數碧星顆。井華浴簾。漸月暎中門鎖。喚綠茗盈盈。恰一縷紅生。廊火幾爨。是纔開茉莉。小傷苧衫斜。抽書賭背。總排定夜分幽課。弄不了菱粉藕絲。寫難盡偷聲入破。惹萬種思量。凭及烟橈風舸。

雙雙燕

漫興

梁玉立

蕭蕭易水。問何事春來。助人悽惻。蘋香柳嫩。妍景任教拋擲。聊



話郎山雨夕。又夢繞潭園烟色。紛紜身世多般。已見鴈飛南北。  
誰遣頭鬚頓白。怕縱有春風也難消得。壯懷無奈。說甚肝腸  
鐵石。况聽高樓弄笛。盼不到漁簑消息。試看陌艸青青。正是杜  
陵寒食。

醉蓬萊

席上有贈

曹掌公

樽前人似玉。淺黛輕鬟。幾番思慕。半載飄蓬。道相逢何暮。無限  
凄其長亭燈火。歷盡風和雨。最易消覓。黃雲千頃。丹楓滿路。  
憶昔江干木蘭舟小。細霧氤氳。亂紅無數。今忽重來。似素娥飛  
度。竝倚雕闌。細諧心曲。漸月斜南浦。此際難留。陳思當日洛神

曾賦

過臨漳有感同子山作

馮个臣

漢年來草草。嘯侶吟朋。客中強半。昨日蘇門。倏又三臺畔。漳水  
滔天。鄴城墮地。無復當時觀。狡獪曹瞞。豺狼石虎。一般塗炭。  
慨古嗟今。側身憑弔。勲業星飛。豪華冰渙。漫說文章。千載詞人  
擅。徐應王。劉風流。泯沒何處。西園宴佇。望蒼茫。欲澆斗酒。鷓鴣  
裘換。  
硯銘云登臨憑弔不負勝遊

畱任客

荒村

宋尚木

看黃犢歇浦東。單衫窄袖。脫巾露頂。恰好無些。拘束。飛鴉數輩



菱荷十畝蘋蓼蒹葭。綃一幅蕭疎林木。灑幾行舊雨。葡萄初熟。啓茅屋。雲影離離。雞聲隱隱。指點荒村。有客那堪畱宿。但見黑麻成飯。白石傳殮。松風消玉局。其人老懶。廢詩書。晚笛伴吹漁曲。  
硯銘云勝讀  
桃花源記

夏初臨

咏雨

張硯銘

曉霧迷天。暮雲凝野。紛紛漠漠飄颺。古渡平沙。漸看綠漲銀塘。荒村遠岸。垂楊灑征帆。掩映微茫。青峯罨黛。翠筠垂粉。淚落瀟湘。蕉心頻滴。蛛網輕霑。簾前檻外。密縷疎行。郵亭驛館。暗風吹入。寒窓煞甚。淒涼夜。沉沉夢短。更長。隔蘭房。簷甍浙瀝。支枕

端相

鬢淵云瀟瀟暮雨幾爲腸斷

雨中花慢

憶舊

鄒訥士

軟玉風情。弄環年紀。曾看柳葉新顰。恰半梳鴉髻。斜插犀簪。曲本偷藏。花樣餅茶。細齧纖痕。正纔離鴛枕。桃花粉頰。淺印紅紋。曲欄低襯。鎖帳氤氳。花神輕護。芳莧整雲。紈海棠滿繡。荳蔻初薰。蓮瓣鳳頭。三寸菱花。螺黛雙分。相看無語。徐籠小袖。自整長裙。  
硯銘云看不足詠不足爲之神往

慶清朝慢

除夕

田鬢淵



點水爲燈。燃竿作炬。人人傳說逢除。吾家亦呼稚子。灑掃吾廬。  
 衲補窓。櫺好。有七絃蟬腹。半床書塵。匣內芙蓉。睡渴不語。憐余。  
 今日是明日。是送迎。到郵界。筭幾程。途休要趨新。戀舊意。兩  
 相拘笑。被天公撮弄。寒鴉點破。柳烟疎。春來也。椒花杯裏。一响  
 徐徐。  
硯銘云似聞空中有龍吼聲

八聲甘州

吳淞懷古同王西園作

吳曼倩

吁咄哉。我欲問陽侯。不禁首頻搔。自當年神禹。橫流長奠。明德  
 迢遙。千古三吳巨澤。日夜亂帆飄。更碧天秋水。明月春潮。懊  
 恨吾生也晚。看江之永矣。曾不容刀。嘆越吳爭霸。羨皮陸揮毫。

今都付滄桑。閒話問滔滔。幾處換前朝。君不見錢唐揚子。浪打週  
 遭。  
硯銘云披襟曠傲神氣飛越

二聲聲慢

平仄二體

秋日和堯臣八聲體

張持遠

冷紅銷翠。墜粉飄香。銀塘一半秋聲。十二朱樓。紫簫罷弄新聲。  
 憶得晚粧初卸。玉臺微逗。寶釵聲深。閨靜有一簾月影。萬戶砧  
 聲。織女黃姑別後。銀漢裏流雲盡。作波聲。露滴蛩寒。草根慢  
 訴哀聲。幾處含情無寐。聽金壺水咽。虬聲玉階曉。轆轤前素綆。  
 傳聲。  
硯銘云可招予鶴

揚州慢



廣陵送孫無言歸黃山

鄒詩士

白嶽移文黃山招隱問君何不歸哉便石床丹竈晝冷落蒼苔  
憶昔日軒轅鑄鼎容成採藥剩有高臺况山中猿鶴思君何必  
徘徊揚州城郭嘆年年紫陌黃埃縱文選樓高竹西路好日  
踏千回三十六峯猶在白雲下洞壑須開向山靈寄語十年清  
夢歸來貽上云字字  
冷水澆背

珍珠簾

密約

彭駿孫

湘文幾摺闌干疊十二碧城宮闕一縷紫猊烟半影紅窗月小  
語相期全不覺怕姓字飛瓊輕洩周折待粘雲染雨臨行還怯

猛把心兒拚却今宵休孤負良辰佳節蘭液冷香犀草露沾  
金蝶無賴杜鵑枝上鳥向窗外聲聲啼血饒舌纔勸得人歸又

催離別

鬢淵云何物文人又  
為杜鵑增一公案

玉蝴蝶 第三體

美人

宋轅文

雙臉低垂金雀輕盈十五自整雲鬟粧罷羅衣束素愁着春寒  
凝眸遠清清斜照顰眉近澹澹蛾彎更無端花前風雨夢裏相  
關珊珊小屏微啓軟簾高揭獨倚闌干庭院深深無人見處  
惜紅顏掩紗窓一聲長歎臨玉鏡雙淚偷彈到更闌月華空映  
盼盡青鸞



有懷

鄒詩士

記得麗娟當日。花梢年紀。鴉髻初長。紅玉闌干。十二門枕。垂楊  
 只一搦。文犀領扣。剛三寸。繡雀鞵幫。傍紗窓。同嘗苦筍。共試甜  
 香。堪傷博山爐畔。長齋繡佛。細禱昏黃。世世生生。文鴛錦水。  
 莫相忘。寫方箋。琉璃硯匣。傳密約。蛺蝶花囊。恨無端。千迴萬轉。  
 羞見蕭郎。

病鶴

董蒼水

本是青田仙客。暫辭碧落。謫向塵寰。極望蓬瀛。萬里天路漫漫。  
 林颺急。縞衣凋素巖。日淡砂頂。摧丹夜方寒。聲微力弱。難徹雲  
 端。婆娑不翔吳市。未歸華表。孰駕緱山。獨立寒溪。自憎形影。

遠衰殘。籬落邊。漫隨鷄鷲。女床側空。羨鷓鴣。鸞近雕闌。有人相對。  
 同病堪歎。硯銘云感托良深

閨情

林平子

幾日簾鉤懶掛。斷腸小字。題徧銀屏。誰念關河迢遞。鷓鴣蘭成。  
 蝶雙飛。空能春夢。鶯新轉。乍學嬌聲。晚天清。叅差烟樹。斷靄斜  
 橫。離情茫茫無緒。半欹繡枕。困倚桃笙。寂靜黃昏。微微涼月  
 照池亭。假溫存。篆香心熱。虛消息。絳蠟花生。破愁城。終須窓下  
 親問卿卿。

春情

宋舜納

燕子憐春。春煖尋芳去也。宮樣粧成。自是紅顏絕世。不數丹青。



畫羅衣心香一點。蘭花髻。春色千層。更含情。秋波動處。如醉如醒。三生春光歸矣。恨中詩句。夢裏愁城。草草花花。可憐不似。玉人清夜。淒其銀燈。焰冷風寂。歷繡帳。寒輕聽鶯聲。愁多難寐。數盡殘更。

憶舊

田髯淵

記得年時曾向。溪橋花巷。縱酒宵分。百盞飲教沉醉。遠漏難聞。撥鬢絃。鶯喉轉。月添鴨篆。龍腦迎雲。還無那泥。留人住。拴鎖重門。殷勤鶯花。隨處秋娘。瞥見。偶爾消。竟新愁舊怨。不須杏臉。帶啼痕。鴛鴦夢。今宵絳蠟。杜鵑淚。明夜黃昏。苦窓前。賣花聲。早一晌。溫存。

西湖

張硯銘

漱灑波光如鏡。四圍青碧。山色週遭。極目烟嵐翠岫。淡抹輕描。沙堤上。塵迷繡轂。溪橋畔。風拍銀濤。儘逍遙。何須植柳。不用栽桃。無聊。回思當日。朱樓捲箔。畫舫停橈。歌吹成行。紛紛花月。可憐宵踏香歸。雲攢雨簇。扶醉去。燕撲鶯嘲。有今朝。呼鷹走馬。掠兔盤鵬。髯淵云風景不殊舉日有山河之感

鎖窓寒

春晚

宋河宗

綠暗天涯。單衣初試。閒窓寒少。柳浪陰陰。留得鶯聲低巧。亂紅零落。拂空堦。暗香葉底。猶繚繞。正日長人靜。博山初燼。餘烟微。



裊悄悄倚欄處。珍珠簾不捲。銀屏晝皎。情懷困倦。漸有睡思。相惱。奈東風剗地輕吹。半枕華胥殘醉。小乍凝眸。一樹桐花搖影。弄殘照。

三姝媚

旅夢

彭駿孫

花宮清磬杳。聽城頭一派角聲悲繞。晚來情味。只秋窓無火。暗螢相照。解帶將眠。剛月色瞳朧來到。千里江關十年心事。相思多少。恍在舊家亭館。見朱幌微垂。綠窗初曉。驚伊消瘦。把別時踪跡。向儂都告。旅泊頻年。和夢也分明知道。莫是相逢無幾。依然去了。  
硯銘云善能說夢

金菊對芙蓉

懷舊

張硯銘

銀漢初低。露華如洗。碧天涼月輝輝。正酒闌人散。燭滅簾垂。畫屏笑倚。吟吟地泥檀郎扶入。香幃繡衾不展。寶妝未卸。半晌偷偎。每念此際依依。縱海枯石爛。那便分携。奈落花飛絮。雨折風吹。十年一覺揚州夢。空回首枉自攢眉。羅囊尚在。玉簪無恙。珍重因誰。  
鬚淵云會真記中着意描綴方得爾許情致語

高陽臺

觀女劇偶贈

曹子顧

鶯舌新調鴉鬟猶鞞。湘裙欲整還拖。懶散心情。朝來愁盡。雙蛾



風約繡簾搖。燭對菱花倦眼生。波儘嬌憨動人些。子元不爭多。竟消一曲清歌。却似曾相識。無可如何。影好難描。空勞石墨。三螺燈前小立。紅粧換笑。還嗔喚弟。稱哥暗相憐。細腰無力。又着蠻靴。硯銘云嬌懶黠慧之性活現寫出

端午

張硯銘

梅雨新收。榴霞爛發。畫屏紈扇輕携。艾虎釵符。紛紛闐巧爭奇。燕迴鶯躲。無人處。羨雙盤綵縷。侵肌更蒲香酒暖。溶溶玉手擎盃。旋聞韻鼓喧催。有龍舟戲水。豹錦揚旗。載取紅粧。無妨逐隊。張嬉。汨羅悲憤。當年事。問今朝。角黍何爲。且停橈。盡醉歸休。莫負斜暉。宿來云幽秀曠達名士風流

解語花

美人捧茶和弇州韻

田髯淵

甘侯入侍。森伯披帷。水沸名泉細。倦粧誰倚。紅玉鼎。蟹眼揭看初試。露芽雲液。徐裊動幽香幾縷。吟興淺。斜睨花莖。正有東坡意。簾捲鶯聲。蛾髻。汎金蕾。几上橫尖葱指。珠盤擊出。纔安了。不語挑將燈起。背人佯去。那些個。鞞肩佳麗。偎點唇。乍苦還甜。嘗取茶滋味。

美人捧觴和弇州韻

荔枝泥翠。瑪瑙凝香。百榼厨間斛。金貂曾贖。傳觴處。却立雲鬟。染綠驚鴻淺蹙。苔印裏蘭芽。一曲捧彫盤。玉腕浮紅人可紅如。



玉不用肉屏錦簇。只低聲細語。鶯流空谷。燈花如囑。矜微盼。記取晴波雙目。漫誇爭逐。看燕子。畫梁棲宿。倩這時。殘醉扶將。玉漏三更足。

視銘云推陳出新  
欲令二王退舍

夜合花

本意

鄒詩士

紫曲粘雲。綠窓引月。又聞香滿中庭。黏心乍點。鮫綃試着。猶輕烟初散。露方零。傍雕闌。吹徹瑤笙。銷魂此際。何郎剩粉。荀令餘馨。夜闌斗轉。珠繩漸覺。燭花影裏。微醉初醒。風流解語。寧教有恨無情。拈芳葉。愛佳名。忍折來。供向銀屏。恨教夜夜如花。作伴。不負雙星。

渡江雲

同孫玉相宿詩士齋頭夜話

失名

乍秋天氣正。芭蕉報雨。留汝亦留儂。洗觴同酌。後還笑相留。何必主人翁。閒挑青火。供茶話。又聽疎鐘。却無端。十年心事。都到漏聲中。冲冲猶思當日。結客風流。伴黃衫紅袖。到于今。博山灰冷。艷羽飛慵。騷壇猶仗孫郎少。應還得。虎視江東。開窓看任。教雲滿長空。

東風第一枝

春夜同秋岳作

龔孝升

鳳瑄排烟。鸞笙沸月。歲華初到街鼓。柳絲約定。歡期花信。吹開



恨處。今宵酒醜。又勾引蝶翻蜂聚。近小窓紅雨。生生做作一簾芳霧。飛艷縷紫絨偷度。挑錦字玉麟舊侶。遠山千疊消。竟盡屏一聯繡句。旗亭葉榜。訝批抹雙鬟何據。趁好春安頓。心情莫遣少年空去。

送春

袁丹六

露泣疎英烟啼密葉。惹起傷春情緒。遊絲不綰芳。竟晚風更吹弱絮。鬱金堂靜。曾收得燕泥香未。顛枝頭兩點。嫣紅留得住。些春意。雲脉脉珠簾怕捲。雨細細玉窓慵倚。畫樓錦瑟無端。紫陌翠鈿畢聚。黃鸝無數。怎解說春歸何處。怪春來賺得愁多。何不。早將春去。

硯銘云送春詞中另闕于眼

終

萬年歡 第二體

萬壽節早朝

沈貞蕤

如海春光。遍千門九陌。瑞靄遮護。誕聖當年。此日虹流。華渚千載真人御宇。似清旭扶桑初吐。珠囊露滴滴仙漿。承來五色無數。光回兩行蘭炬。正朦朧向曉。鶴禁傳鼓。閭闔晨開。次第鵷班鷺序。一朶紅雲籠住。金龍捧玉皇高處。赭黃袍繡蓋飄揚。天生萬壽之主。  
硯銘曰不數盛唐諸律

琵琶仙

秋日桑乾河見雙白燕

朱錫鬯

遠渚秋光。乍疑是兩岸蘆花如霰。剛得軟語輕迴。差池轉堪戀。



思一縷紅絲繫住。怕飛入掌中。難見明月樓臺。梨花院落。曾否尋遍。問何事沙際飄零。惹西去潘郎髻都變。爭向水晶簾外。對曉風初捲。看畫閣銀釵幾許。留伴他傅粉人面。借取玉女縫衣。一雙并剪。

過訪秋岳述舊

徐蘭生

鐵拍銅槌。任高唱。昨夜琵琶仙句。孤權吹送西風。離亭動津鼓。閒矯首縱橫星斗。聽嘹唳斷鴻何處。破笠衝風。關河蕭瑟。是舊遊路。憶嘗傍錦瑟。佳人早頭白。傷心為誰賦。夢繞薜蘿三徑。恨流年虛誤。留不住。詩人老去。記別時小玉低訴。莫負京兆歸遲。綠窗眉嫵。

前題

沈適聲

東苑行來片雲歛。月掛高城時節。池上霧靄朦朧。芙蓉更清絕。秋漸老。鴈鴻過盡。怎禁受許多離別。綠鳥低窺玉。獨輕吹往事。關切。又誰道。驀地相逢。縱庭戶無人。話難說。待把玉箋傳與。怕小鬟輕洩。記得幽期密約。夜沉沉。扇撲燈滅。一任巷陌東風。柳絲搖曳。

御帶花

西華門賦記

顧華峯

梳粧樓下。捫碑字金碧。依然天半。龍舟寂莫。任波翻太液。藕花長滿。知否憑高無限意。幾增悽惋。傳呼急。平明騎馬。值紫宸班。



換指點重瞳親御處飛閣千層彩虹雙欵朱顏頻改都不似尋常意中庭院飄泊青衫隨例屬天家拘管憶二十年前慧業

侍玉皇香案

玉燭新 第二體

夏景

張硯銘

郊原疎雨後看綠林塹青林嫩烟鋪繡四垂淺碧微風動細把雲鱗吹皺園亭此際有翠竹金荷爭秀惹燕子深坐柔條雙雙故  
偎襟袖 晚涼漸近黃昏見點點飛螢似無還又乍窺簷牖旋  
驀向水榭沾花蘸柳清輝徐透漫道是冰輪依舊悄不覺三五

圓來一痕新瘦

鬢淵云歷歷如畫

張硯銘







